

四庫全書

子部

欽定四庫全書

子部  
普濟方卷一百四十二

詳校官太醫院醫官<sub>臣</sub>姜晟

編修<sub>臣</sub>倉聖脈覆勘

總校官庶吉士<sub>臣</sub>何思鈞

校對官中書<sub>臣</sub>王鍾泰

謄錄監生<sub>臣</sub>崔鶴立

欽定四庫全書

普濟方卷一百四十二 明 周王朱橚 撰

傷寒門

傷寒發黃

論

夫傷寒發黃者蓋濕熱相交民當病瘧者黃也單陽而無陰者也傷寒至於發黃為疾之甚也濕也熱也甚者則發黃內熱已盛甚復被火者亦發黃也邪風被火熱兩陽相熏灼其身必發黃陽明病被火額上汗出而小

便不利者必發黃是由內有熱而被火致發黃者也陽明病無汗小便不利心下懊懣者必發黃是由陽明熱盛致發黃者傷寒發汗已身目為黃所以然者寒濕在裏不解故也以為不可下也於寒濕中求之是由寒濕致發黃也濕亦令黃也熱亦令黃也其能辨之乎二者非止根本來有異而色澤亦自不同濕家之黃也必身黃似熏黃雖黃而色暗不明也至於熱盛之黃也必身黃如橘子色甚者勃勃出染著衣正黃如蘗是其正黃

色也由是觀之濕之與熱豈不異哉大抵黃家屬太陰  
太陰者脾之經也脾者上黃土色也脾經為濕熱蒸之  
則色見於外必發身黃經曰傷寒脈浮緩手足自溫者  
是為繫在太陰太陰當發身黃者是矣熱須內盛若已  
自汗出小便利者則不能發黃必也頭汗出身無汗齊  
頸而還小便利渴飲水漿此為瘀熱在裏身必發黃  
黃家為熱盛而治法亦自有殊傷寒八九日身如橘子  
色小便不利少腹滿者茵陳蒿湯主之此欲泄滌其熱也

傷寒身黃發熱者梔子蘗皮湯主之此欲解散其熱也  
傷寒瘀熱在裏必發黃麻黃連翹赤小豆湯主之此欲解  
散其熱也此數者泄滌解散乃為之不同亦皆析火徹  
熱之劑也一或身黃脈沉結少腹硬而小便自利其人  
如狂者又為畜血在下焦使之黃也必須抵當湯下之  
而愈黃家既是病之已極是以有不治之者多矣非止  
寸口近掌無脈鼻氣出冷為不治之疾又若形體如煙  
熏直視搖頭者是為心絕環口黧黑柔汗發黃是為脾

絕皆不治之症醫者更詳視之又云黃家至日晡所發熱而反惡寒此為女勞得之當膀胱急小腹滿體盡黃額上黑足下熱因作黑疸其腹臃脹而滿欲作水狀大便必黑時澹泄此女勞疸非水也腹滿者難治傷寒發黃之狀身體盡變或如熏黃或如橘色是也凡陽明中風太陽中濕皆令人發黃蓋由得病無汗小便不利寒濕不散則熱結脾胃湊理閉塞瘀熱之氣與宿穀相搏而鬱蒸不能消散故大小便結澀不通令人身體

面目皆變黃色其病腹滿一身盡疼發熱若其人小腹  
滿急眼睛澀疼鼻骨疼兩膊及項強腰背急者是也但  
得小便快利即漸愈仍不用大便多多即令人心脹又  
有急黃者身體黃甚卒然而發心滿氣喘命在須臾故  
名急黃有初得病便黃者或初不知是黃死後方變黃  
者此病亦由脾胃瘀熱本天行時氣所作也宜細辨之  
但發熱心戰者乃是急黃之候歌曰小便自利大便黑  
血症無疑定發狂若是小便全不利黃名瘴病瘴名黃



若血症宜抵當湯輕者桃仁承氣湯與犀角地黄湯黃  
痺茵陳湯茵陳五苓湯又歌曰太陽發熱渾身痛身目  
俱黃是濕家腹滿脈弦心脇痛陽明經裏中風邪仲景  
云傷寒發汗已身目為黃所以然者以寒濕在裏不解  
故也只當以濕中求之發熱一身盡痛而身目俱黃者  
太陽中濕也腹滿鼻乾心脇痛潮熱身黃者陽明中風  
也欲發黃者急用芥蒂末一字許搐鼻中治在頭疼濕  
家條下大抵發黃與濕家不利小便非其治也腹滿脈

浮弦咳嗽潮熱小便難心脇疼短氣鼻中乾不得汗嗜  
卧此陽明中風也大小柴胡加茯苓湯噦者湯中加茯  
苓也見小便雜條 病人寒濕在裏不散熱畜於脾胃  
膜理不開瘀熱與宿穀相搏鬱蒸不消化故發黃汗者  
南方暑濕近夏瘴熱蓋瘴者黃也古人以黃為瘴濕熱  
相搏民多病瘴甚為跗腫然發黃與瘀血外症及脈俱  
相似但小便不利為黃小便自利為瘀血要之發黃之  
人脾蘊積發熱引飲脈必浮滑而緊數若瘀血症即如

狂大便自利為瘵血要之發黃人身體發熱頭面汗出身  
無汗齋頸而止渴飲水漿小便不利如此必發黃茵陳  
蒿湯五苓加茵陳散主之茵陳蒿湯十分五苓散五分  
二散拌勻每服二錢溫水調下日三服病人服湯得小  
便利如皂子汁赤一宿復減則黃從小便中出也古人  
云治濕不利小便非其治也大抵發黃者瘵熱在裏由  
小便不利而致也梔子蘗皮湯麻黃連翹赤小豆湯可  
選而用之又方傷寒欲發黃者急用菰蒂末口含水搗

一字許入鼻中出黃水甚驗即用茵陳蒿湯調五苓散服之最良又問白虎症亦熱發渴引飲水小便不利何以不發黃荅曰白虎與發黃症相近遍身出汗此為熱越白虎証也頭以下都無汗黃症也又問太陽病一身盡痛發熱身如熏黃者何太陽中濕也仲景云傷寒發汗已身目為黃所以然者以寒濕在裏不解故也以為不可下也於寒中求之又問病人脈弦浮大而短氣腹都滿脇下及心痛久按之氣不通鼻乾不得嗜卧一身

及目悉黃小便難有潮熱時時咳嗽者何也少陰中風也小柴胡湯主之

方

麻黃醇酒湯

出金匱方

治傷寒熱出表發黃瘧

右用麻黃三兩以醇酒五升煮取一升半盡服之溫覆汗出即愈冬月寒時用清酒春月宜用水

麻黃連翹赤小豆湯

出千金方

治傷寒瘀熱在裏身體必發

黃

麻黃 連翹

一方用連翹  
絲根味苦寒

甘草

各二兩

生薑

三兩

大棗

二十

枚

杏仁

三十枚

赤小豆

一升

生梓白皮

切二升

右咬咀以潦水一斗先煮麻黃去沫次用諸藥煎取

三升分溫三服半日服之

茵陳湯

出千金方

治傷寒七日八日內實瘀熱結身黃如橘

小便不利腹微脹滿宜下之

茵陳

六兩

大黃

三兩

梔子

四十枚

右咬咀以水一斗二升先煮茵陳取五升去滓次內

梔子大黃煎取三升分服一升日三小便當利如  
皂莢汁狀色正赤當腹減黃悉隨小便去也范注  
用療穀疸小品方用石膏一斤

大黃黃蘗湯 治發黃腹滿小便不利而赤自汗出此

為表和裏實當下之

大黃<sup>三</sup>黃蘗 芒硝 梔子<sup>十五</sup>

兩

枚

右咬咀以水六升煮取二升去滓內芒硝復煎取一  
升先食頓飲之

枳實大黃湯

治傷寒飲酒食少飲多痰結發黃酒疸

心中懊懣而不甚熱或乾嘔

枳實

五枚

大黃

三兩

豆豉

半升

梔子

七枚

右咬咀以水六升煮取三升分三服心中熱疼懊懣

皆主之

治傷寒後二十日渾身黃眼如金色者

右用黃蘆一兩剉碎水一升煎取三合空心服三五

服安



麻黃連翹湯

出金匱方

治傷寒瘀熱在裏身必發黃

麻黃

去根節湯煎  
去沫二兩

連翹

二兩

杏仁

去皮尖雙  
仁四十枚

棗

十二枚

生薑

二兩

甘草

一兩

生梓白皮

切一升

右咬咀如麻豆大每服五錢用潦水二盞煎取一盞

去滓溫服不拘時

消濕散

治傷寒瘀熱在內濕氣鬱而不散熏發肌肉

小便不利身體發黃利水道

牽牛子

炒半斤只  
取末二兩

赤茯苓

去黑皮

木香

陳橘皮

湯浸

去白焙

各半兩

右為散每服二錢煎葱白湯調下不計時候

秦朮湯 治傷寒心胸堅硬脚手心熱即變為黃

秦朮

去苗土

紫草

去苗土

白鮮皮

黃芩

去黑心

梔子仁

大黃

剉炒各一兩

右麤搗篩每服五錢用水一盞半煎至一盞去滓溫

服日三夜

三黃散

治傷寒發黃服藥瘥後未全除餘熱發動

大黃

劉黃芩

去黑心

黃連

去積

梔子仁

苦參

各一兩

右搗羅為細散每服用米飲調下二錢日三服

龍膽湯

治傷寒發黃煩熱皮肉皆黃小便赤不利

龍膽

枳殼

去穢麤炒

芫胡

去苗

梔子仁

知母

切焙

地骨

皮

木通

芍藥

甘草

炙

羚羊角

鎊

麥門冬

去心

焙

升麻

各半兩

右麤搗篩每服五錢用水一盞半煎至一盞去滓不

拘時溫服

黃芩湯 治傷寒發黃或先服利藥未差者以內消湯  
以折熱氣

黃芩

去黑心

茵陳蒿

升麻

各一兩

梔子仁

芫胡

去苗

龍膽

各半兩

犀角

銹一兩

右麤搗羅每服五錢用水一盞半煎至一盞去滓入  
生地黃汁一合攪令勻不拘時溫服

茵陳蒿大黃湯

濟生扶萃方

治傷寒發黃面目悉黃小便赤

宜服

茵陳蒿

梔子仁

芫胡

去苗

蘼皮

蜜炙各半兩

黃芩

去黑

心

升麻

大黃

劉炒各一兩

龍膽

半兩

右麤搗篩每服五錢用水一盞半煎至一盞去滓早

晚食後溫服

茅根湯

治傷寒發黃通身如金色者

茅根

洗劉

梔子仁

茵陳蒿

地骨皮

甘草

炙各三兩

右麤搗篩每服五錢用水一盞半生薑三片豉三七

粒同煎至一盞去滓早晚食後溫服

訖胡枳殼湯

治傷寒發黃壯熱骨節煩疼兩脇下氣

脹急硬痛不能忍

訖胡

去苗

枳殼

去穢炒

黃芩

去黑心

梔子仁

茵陳蒿

龍膽

大黃

剉炒

甘草

炙各半兩

右麤擣篩每服五錢用水一盞半煎至一盞去滓早

晚食後溫服

茵陳黃芩湯

出楊子建護命方

治傷寒熱毒熾盛熏灸三焦攻

擊皮膚通身發黃

茵陳蒿 黃芩去心 梔子仁 升麻 秦艽去苗土 牡

丹皮 荊芥穗 麻黃去根節 細辛去苗葉 石膏碎 知

母焙各半兩 黃連去鬚 大黃剉炒各一分

右麤搗篩每服三錢水一盞煎至七分去滓食後臨

卧溫服

葶藶丸 治傷寒時氣發黃

甜葶藶隔紙炒一分 大黃剉炒半兩 人參一兩

右搗羅為末煉蜜和丸如梧桐子大每服溫水下二

十丸以利為度

急黃丸

治傷寒熱毒所加卒然心中滿氣喘急發熱

心戰

大黃

半兩  
生判

朴硝

一分  
別研

右用二大盞漬大黃一宿次旦煎至一盞去滓下朴硝攪令勻不計時候溫分三服利快差

梔子仁湯

治傷寒急黃

梔子仁

芫胡

去苗

朴硝

別研

茵陳蒿

各半兩



右除朴硝外各細剉用水三大盞煎二大盞去滓下  
朴硝攪令勻不計時候分溫三服取利為度

治病人腹滿舌痿黃煩不得眠

茵陳

二兩

白朮

一兩

甘草

一兩

右白中杵為散沸湯和服方寸匕小便不利加茯苓

二兩

治傷寒時氣黃疸病煩熱

右以湯淋東壁土硝取汁頓服之

治傷寒三五日忽有黃則宜服此

右取生烏麻油一盞水半盞鷄子白一枚熟攪令相  
勻服之令盡

茵陳五苓散

出金匱方

治傷寒溫濕熱病感冒後發為黃疸

小便黑赤煩渴發熱不得安寧此蓋汗下太早服藥  
不對症因感濕熱病以致身發黃予嘗用茵陳五苓  
散治之甚效

右用生料五苓散一兩加入茵陳半兩車前子一錢

木通一錢半 茈胡一錢半 酒後得症加乾葛二錢  
作咬咀并前藥和勻分作二服 每服水一碗 燈草  
五十莖同煎八分去滓 食前服 滓再煎連進數服  
小便清利為愈

梔子蘗皮湯 治傷寒身熱發黃者

方見本門辨  
陽明脈症類

麻黃連翹赤小豆方

出按  
萃方

少陽陽明身熱不去小便自

利而煩者身必發黃宜梔子蘗皮湯

麻黃 連翹

各一  
兩

赤小豆

右剉如麻豆大每服一兩水三盞煎至八分去滓溫服

梔子蘘皮湯

出按  
萃方

治燥熱發黃

大黃 蘘皮

各三兩

梔子

十五個

右剉如麻豆大每服一兩水二盞煎服發黃大便自利不止者加黃連黃蘘皮各三兩生減大黃用之多效

僧傷寒發汗有留熱身面皆黃多熱暮年不愈醫作食

黃治之病不去問之食不減尋與此藥五日減三分之一十日減三分之二二十日病悉去其方用澹察方

山茵陳

山梔子

各三錢

秦艽

升麻

各四錢

右咬咀以三錢為一服煎去滓食後服

本草衍義

茵陳附子乾薑湯

出衛生寶鑑

治因涼藥過劑變為陰症身

目俱黃四肢皮膚甚冷心下痞硬眼澁不欲開大便

自利倦卧

附子

炮去皮  
三錢

乾薑

炮二錢

茵陳蒿

一錢三分

白茯苓

去皮  
三分

澤瀉

五分

枳實

麩炒去穢五分

半夏

湯炮七次五分

陳皮

去白三分

白朮

四分 草豆蔻

麩裏煨熟去皮用仁一錢

右剉如麻豆大都作一服水一盞半生薑五片煎至

一盞去滓涼服不拘時候

茵陳梔子黃連三物湯

出活人書

大便自利而黃

茵陳

三錢

梔子

黃連

各二錢

右以水二盞煎八分去滓服

治傷寒時氣黃疸病煩熱

右用土硝湯淋取汁頓服之莊子云蜉蝣轉丸是也  
藏在土中掘地得之正員如人捻作彌久者良

治傷寒鼻塞黃疸

右用苦瓠煎取汁滴鼻中出黃水其塞遂通

治傷寒五種黃

右用翹搖生搗絞汁服一升日二服即差

又方

右用亂髮燒灰水服一寸匕日三服

治伏熱結目黃不下食大小便澀

右用苦耽苗子煮汁服或生搗絞汁服

傷寒百合

論

夫傷寒百合病者謂百脈一宗悉知其病也其狀意欲食復不能食常默默欲得卧復不能卧欲出行復不能行飲食有時美亦有時不美如有寒復如無寒如有熱復如無熱口苦小便赤黃得藥則吐利者是也此皆由傷寒及虛勞大病後臟腑俱虛榮衛耗弱不能平復變成斯



疾也然以百脈一宗悉致其病又無復經絡故其病症變異而治之者亦宜各隨其症 百合病者皆因傷寒病後其狀惡寒而嘔病在上焦也二十二日當愈其狀腹滿微喘大便堅三四日一大便時復小澹者病在中焦也六十三日當愈其狀小便淋瀝難者病在下焦也三十三日當愈各隨其症以醫治之百合之為病令人意欲食復不能食或有美時或有不用聞飲食臭時如有寒其實無寒如有熱其實無熱常默默欲卧復不得

眠至口苦小便赤澁欲行復不能行諸藥不能治治之  
即劇吐利如有神靈所為也百合病身形如和其脈微  
數其候每溺時即頭覺痛者六十日乃愈百合病候之  
溺時頭不覺痛淅淅然寒者四十日愈百合病候之溺  
時覺快然但覺頭强者二十日愈百合病症其人或未  
病而預見其候者或已病四五日而出或病一月二十  
日後見其候者治之喜誤也依症治之 百合病見在  
於陰而攻其陽則陰不得解也復發其為逆也見在於

陽而攻其陰則陽不能解也後下之其病不愈要畧云  
見於陰者以陽法救之見於陽者以陰法解之見陽攻  
陰復發其汗此為逆其病難治見陰攻陽乃復下之此  
亦為逆其病難治歌曰坐不能坐行不能行寒又無寒  
熱又無熱飲食美時不美特百合少人知妙訣宜百合  
知母湯百合地黃湯百合洗方又歌曰百合昏如粟物  
厭或時喜食或時嫌似寒不冷熱無熱欲出難行卧不  
恬百合者百脈之宗舉皆受病無所謂經絡傳次也皆

陰傷寒虛勞大病之後臟腑不平變而成此其狀似寒  
無寒似熱無熱意中欲食復不能食默默欲卧復不得  
卧強欲出行復不能行崇朝口苦小便赤黃藥入即吐  
利也病源所在症狀一同其脈微數每尿則頭痛者六  
十日愈若尿不頭痛但淅淅如寒者四十日愈若尿則  
快然而但眩者二十日愈百合知母湯百合地黃湯滑  
石代赭湯鷄子湯百合洗方選用之

方

百合滑石代赭湯

出千金方

治百合傷寒已經下後

百合

七枚擘破

滑石

一兩碎

代赭

如彈子九大一枚碎

右先以水洗百合漬一宿白沫出去其水更以新汲

水二盞煎取一盞去滓別用新汲水二盞煮滑石

代赭取一盞去滓後和合重煎取一盞半分溫再

服

百合鷄子湯

出千金方

治百合傷寒病吐之後者

百合

七枚擘

鷄子黃

一枚

右先以水洗百合漬一宿當白沫出去其水更以新汲水二盞煎取一盞去滓內鷄子黃攪勻分溫再服聖惠用鷄子白不計時候頓服之

百合知母湯

出千金方

治百合傷寒已經汗後病人欲食復

不能食常默默欲卧復不能卧欲行復不能行有寒如無寒有熱如無熱飲食或美不美如強健人而卧不能行口苦小便赤藥入口即吐利此因虛勞大病之後不平復變成此疾名百合候主之發汗後者服

百合

七枚

知母

一兩

右先將百合擘碎用新汲水二盞浸一宿當有白沫  
出去却沫水了却用新汲水二盞煮百合取汁一  
盞去滓盛於淨器中又將知母亦用新汲水二盞  
煮取一盞去滓後將百合汁相和同煎取一  
盞半不計時候分溫作二服

百合滑石散

出千金方

治百合傷寒病變發熱并小便澀澀

下堅急

百合

一兩

滑石

三兩

右搗羅為散更入乳鉢研如粉每服空心米飲調下

二錢日二服當微利即佳服

百合地黄湯

出千金方

治百合傷寒病已經吐下發汗病形

如初者

百合

七枚擘

生地黄汁

一盞

右先以水洗百合漬一宿白沫出去其水更以新汲水二盞煮取一盞去滓內地黃汁再煎取一盞半



分溫再服中病勿更服大便當如漆

百合半夏湯

一方熟地黃

治百合傷寒病不差不思食欲成

勞日漸羸瘦

百合

二兩

人參

赤茯苓

去黑皮聖惠用白茯苓

半夏

湯洗七遍炒令

乾黃連

去鬚劉微炒

知母

各一兩

生乾地黄

焙一兩半聖惠用熟乾地

黃

右麤擣篩每服五錢半入生薑一分拍碎同煎至八

分去滓食後溫服日二

百合柴胡湯

出聖惠方

治百合傷寒病久不差不思食欲成

勞

百合

二兩

柴胡

去苗

知母

焙

黃連

去鬚剉

秦艽

去苗

土

枯

萋

各一兩

甘草

炙赤

右廩擣篩每服五錢水一盞半生薑半分拍碎煎至

七分去滓食前溫服日二

百合紫苑湯 治百合傷寒病似勞形狀如瘡

百合

紫苑

去苗

白茯苓

去黑皮

杏仁

湯浸去皮尖

雙仁炒令黃

甘草

炙令微黃 柴胡

王

右等分麤搗篩每服五錢水一盞半生薑半分拍碎

煎七分去滓空心溫服日晚再服

厚朴散 治百合傷寒補陰養陽

厚朴

去粗皮姜汁炙令赤黑色一兩

桃仁

去皮尖雙仁炒黃別研一兩

杏仁

去皮

尖雙仁炒令黃別研一兩

紫石英

別研

白蘚皮

五加皮

桑根

白皮

剉各半兩

右搗研為散更入乳鉢一處研如粉每服食前用葱

白糯米煎湯調下二錢日再服

百合前胡湯 治傷寒差後已經二七日熱不解將變

成百合病身體沉重無力昏如醉狀

生百合

三枚 擘洗

前胡

去蘆 頭

麻黃

去節 各一兩半

葛根

剉二兩

麥

門冬

去心 半兩

石膏

三兩 碎

右咬咀如麻豆大每服五錢水一盞半煎取七分去

滓溫服後如食頃再服

百合散

出聖惠方

治傷寒百合病身微熱惡寒煩喘

百合

二兩

紫苑

一兩去根土

杏仁

一兩湯浸去皮尖雙仁麩炒微黃

前胡

去蘆頭

麥門冬

各一兩去心

甘草

三分炙微赤剉

右為散每服五錢用水一大盞煎至五分去滓不計

時候溫分服

赤茯苓散 治傷寒頭不痛但覺頭眩淅淅惡寒是百

合症

赤茯苓

麥門冬

各三分去心

百合

知母

柴胡

各一

兩去苗

甘草

半兩炙微赤剉

右為散每服四錢以水一中盞煎至六分去滓不計

時候溫服

子芩散

出聖惠方

治傷寒頭不痛多眩悶寒熱往來小便不

利百合症

子芩

三分

赤茯苓

甘草

炙微赤判

芎藭

各半兩

百合

一兩知

母

右為散每服五錢以水一大盞煎至五分去滓不計

時候溫服

半夏散

出聖惠方

治傷寒百合病下利不止心中忪忪堅而

煩嘔宜服

半夏

湯浸七遍去滑

黃芩

黃連

去鬚微炒

甘草

炙微赤剉

人參

各一

兩去蘆頭

百合

二兩

乾薑

炮製剉半兩

右為散每服三錢以水一中盞入棗三枚生薑半分

煎至六分去滓不計時候稍熟服

柴胡散

出聖惠方

治傷寒百合病羸瘦不食少力宜服

柴胡

去苗

白茯苓

陳橘皮

湯浸去白穢培

知母

桔梗

去蘆

頭 黃耆 各一兩  
兩 百合 二兩

右為散每服五錢以水一大盞煎至五分去滓不計

時候溫服

紫苑飲子

出聖惠方

治傷寒百合病陰陽相搏日久漸瘦不

思飲食虛熱咳嗽宜服

紫苑

去根土

杏仁

各一兩湯浸去皮尖雙仁麤炒微黃

黃連

半兩去鬚

前胡

去蘆頭

半夏

各三分湯洗七遍去滑

蘇蘇

一枚

人參

一兩去蘆頭

知母

三 甘草

半兩炙微赤剉



右細剉和勻每服半兩以水一大盞煎至五分去滓

不計時候溫服

半夏散

出聖惠方

治傷寒百合病久不差大小便澀腹滿微

喘時復痰逆不下食宜服

半夏

一兩湯洗七遍去滑

人參

半兩去蘆頭

木香

三分

枳實

麩炒微黃

木

香

各半兩剉碎

川大黃

一兩剉碎微炒

杏仁

湯浸去皮尖雙仁麩炒微黃

桑

根白皮

各三分剉

百合

一兩

右為散每服五錢以水一大盞入生薑半分煎至五

分去滓不計時候溫服

蘇蘇牡蠣散

出千金方

治傷寒百合病渴不止

牡蠣

燒粉為

蘇蘇根

各二兩

右為細散每服二錢以粥飲調下不計時候服

治傷寒百合病壯熱頭痛昏昏不寐如有祟方

出聖惠方

百合

石膏

各二兩

知母

木香

各一兩

右為散每服三錢以水一大盞煎至六分去滓不計

時候溫服

百合散

治傷寒百合病一月不解變加渴疾宜服

百合

菰菰根

各一兩

牡蠣

燒為粉

梔子仁

麥門冬

各三分

甘草

半兩炙微赤剉

去心焙

右為散每服五錢以水一中盞入生薑半分竹葉二

十七片煎至六分去滓不計時候溫服

治傷寒百合病腹中滿痛宜服此方

出千金方

右用百合一兩炒令黃色為細散每服不計時候以

粥飲調下二錢一方用百合根

百合洗方

出千金方

治百合病一月不解變成渴者

右用百合以水一斗漬一宿以水洗身已食煮餅勿以鹽豉一方用百合根外臺祕要云如渴不差可用蓀蓀根并牡蠣等分為散飲服方寸匕日三服

傷寒狐惑

論

夫狐惑之病或初得狀似傷寒或因傷寒而變然皆蟲症也蟲食其喉爲惑使人聲啞蟲食其下部爲狐使人咽乾其候皆默默欲眠不得卧起居不安惡飲食面目

乍赤乍白黑是也此由傷寒病內熱飲食少腸胃空虛而蟲為之不安故隨所食上下部而病名狐惑也 病人默默欲眠目不能閉起居不安其聲啞或咽乾此名狐惑傷寒也狐惑與濕匿昏蟲症初得狀如傷寒或因傷寒變成其病其候默默欲眠目不能閉起居不安蟲蝕其喉為惑其聲啞蟲蝕下部為狐其咽乾狐惑之病並惡飲食面目乍赤乍白黑是其證也大抵傷寒病腹內熱入食少腸胃空虛三蟲行作求食蝕人五臟及下

部為匿病其候齒無色舌上盡白甚者唇黑有瘡四肢  
沉重忽忽喜眠蟲食其肛爛見五臟則死當數其上下  
唇上唇有瘡蟲蝕其臟也下唇有瘡蟲蝕其肛也殺人  
甚急多因下利而得治匿桃仁湯黃連犀角湯雄黃丸  
散主之 傷寒不發汗變成狐惑之病其氣如傷寒默  
默欲眠目不得閉起卧不安其毒在喉咽為惑病在陰  
肛者為狐病狐惑之病並惡飲食不欲食聞食臭其面目  
翕赤翕白翕黑毒食於上者則聲啞也一作啞毒食下

部者則乾咽也此由溫毒氣所為食於上者瀉心湯主之食於下者苦參湯淹洗之食於肛外者熏之并用雄黃三片稍置瓦瓶中炭灰火燒向肛熏之并服湯也

歌曰狐惑傷寒聲啞喎唇口生瘡誠可怕上唇食臍下食肛醫師治療應無價又論云上唇生瘡蟲食其臍或云喉曰惑下唇有瘡蟲食其肛或云陰曰狐通用多眠四症先看脈若是風溫情嘿嘿太陽外症欲解時更有少陰與狐惑脈浮自汗風溫也萎蕤湯脈細者太陽外

已解也小柴胡湯但浮無汗者麻黃湯沉細者少陰者  
四逆湯 歌曰蛔厥烏梅及理中臟寒惡冷吐長蟲咽  
乾聲啞名狐惑濕匿唇瘡限數終又論云虵厥症屬厥  
陰病家有寒妄發其汗或汗後身熱又復汗之以致胃  
中虛冷故長蟲逆上饑不欲食食即吐蟲其乍靜乍煩  
者蟲或上而止也蟲聞食臭必出所以食則吐蟲也張  
氏有言厥陰為病消渴氣上衝心饑不欲食食則吐蛔  
吐蛔既出之於胃令腹有消渴之症何哉蓋熱在上焦



下焦下焦虛寒無熱耳設或大便硬結是亦蘊毒使然  
又不可指為燥糞但用生料理中湯加大黃入蜜以利  
之白朮乾薑所以輔大黃也治法先服理中九次用烏  
梅九若誤下之利不止則用四逆湯又法理中九加茯  
苓枳殼烏梅渴者加栝蒌根狐惑與溫匿皆蟲證也狀  
如傷寒多因傷寒下利變壞成之蓋腹中有熱入食無  
多腸胃空虛故三蟲求食而食人之五臟也其候四肢  
沉重並惡飲食默默欲眠目不能閉舌白齒晦面目間

赤白黑色變易不常蟲食下部為狐下唇有瘡其咽乾  
蟲食其臟為惑上唇有瘡其聲啞溫蠶條例是雖調理  
有方此越人所以望而驚也治蠶桃仁湯黃連犀角湯  
雄黃丸散備用而已金液丹方狀治濕蠶蓋硫黃能殺  
腹中諸蟲無湯者與之

方

黃芩湯 治傷寒不發汗後變成狐惑脈數無熱微煩  
目赤但欲眠睡咽乾不能食

黃芩

去黑心

射干

各一兩

黃連

去鬚炒二分

甘草

炙

前胡

去蘆

頭

青竹茹

知母

焙各半兩

右麤擣篩每服五錢以水一盞半煎至八分去滓食

後溫服

犀角湯 治傷寒發汗後變成狐惑毒氣發盛惡聞飲

食咽中乾痛胃脇滿悶

犀角

鎔三分

黃連

去鬚炒

芍藥

木通

剉

木香

枳實

去穢

射干

人參

半夏

湯洗七遍炒乾各半兩

右麤擣篩每服五錢水一盞半生薑一枚棗大擘碎煎至八分去滓食前溫服

桃仁湯 治傷寒狐惑默默欲眠目不瞑惡飲食面目乍赤乍白乍黑齒無色舌上白聲啞咽乾此因大便秘後腸胃空虛三焦蟲求食食人五臟食其喉則為惑其聲啞食下部則為狐咽乾當看上唇有瘡蟲食其臟下唇有瘡蟲食其肛

桃仁

去皮尖  
雙仁炒

槐子

艾

各一兩

右咬咀如麻豆大每服五錢水一盞半棗子三枚劈破煎至八分去滓溫服一方用生薑三片同煎

治傷寒狐惑蟲蝕下部痛痒不止宜用薰洗方

枳殼

二兩

苦參

三兩

槐白皮

二兩

右細剉用水一斗煎取七升去滓薰洗下部

又方

槐白皮 柳白皮 桑白皮 桃白皮

各一兩

右細剉用水二斗煎取一斗去滓薰洗下部

治傷寒狐惑蟲食下部肛外如墜痛痒不止方

右以雄黃半兩用瓶子一個口稍大者內入灰上如

裝香火雄黃燒之候烟出以瓶口當病處薰之

半夏湯 治傷寒發汗不解變成狐惑寒熱無常心中

躁悶不欲飲食

半夏

湯洗七遍炒乾

木通

剉

桃仁

湯浸去皮尖雙仁麩炒

黃芩

去黑心

附子

炮製去尖臍

桂

去粗皮

葛根

枳殼

去穢麩炒各半兩

羚羊

角

銔一分

升麻

一分

麻黃

右剉如麻豆大每服五錢水一盞半生薑一棗大擘碎煎至八分去滓溫服

雄黃導氣散 治傷寒狐惑下部匿瘡

雄黃

研

青箱子

苦參

黃連

各半兩

桃仁

去皮尖雙仁炒

研一分

右搗研為散以生艾搗汁和棗子大綿裹導下部扁蓄汁和更佳冬月無艾只用散綿裹亦得

雄黃丸 治傷寒狐惑微煩默默欲卧毒氣上攻咽乾

聲噴下蝕濕匿或便膿血

雄黃

研

當歸

剉炒各三分

蘆薈

研

麝香

研各一分

檳榔

剉半兩

右搗研為末煮麪糊和丸如梧桐子大每服十五丸至二十九食前溫粥飲下日三

柴胡散 治傷寒狐惑神思昏悶大便難肌膚熱

柴胡

去苗

大黃

剉炒

赤芍藥

檳榔

剉

枳實

剉炒去穢各一兩

半夏

半兩姜汁浸令透焙

右為散每服二錢濃煎苦楝根湯調下米飲亦得



地榆湯 治傷寒不發汗變成狐惑毒氣上攻咽喉疼

痛下利不止

地榆

黃連

去鬚

木香

各半兩

白朮

一分半

甘草

炙劉

阿膠

炙燥各

一分

右麤擣篩每服五錢水一盞半生薑一棗大拍碎煎至八分去滓食前溫服

療膈湯

治傷寒狐惑病在上焦

甘草

半兩生用

苦參

一兩

右細剉用漿水一盞半煎至八分去滓五更初服良  
久即吐

茯神散

出聖  
惠方

治傷寒狐惑病脈數者不可灸或因火為

邪即加煩熱故血妄行於脈中火氣內盛即心神煩  
悶乾嘔

茯神

一兩

半夏

三分湯洗  
七遍去滑

黃芩

人參

去蘆  
頭

麥門冬

去心  
焙

黃連

去鬚各  
一兩

甘草

炙微  
赤剉

知母

各三  
分

右為散每服五錢以水一大盞入生薑半分棗三枚

青竹茹半分煎至六分去滓不計時候溫服

治傷寒發汗不出毒氣在臟或毒氣攻於咽喉為狐惑

症令人乾嘔心煩惡聞食氣不得睡卧

出千金方

黃連

去鬚

黃蘗

各二兩

右細剉以醋漿水二大盞漬之一宿煮取一大盞去滓分為三服不計時候溫服

黃連散 治傷寒毒氣未散欲變入狐惑目赤面色班

班如錦紋

黃連

去

木通

剉各半兩

犀角屑

川升麻

各三分

黃芩

大青

茯苓

甘草

炙微赤剉各半兩

百合

三分

右為散每服五錢以水一大盞入生薑半分竹葉二

十七片煎至五分去滓不計時候溫服

前胡散

出聖惠方

治傷寒末經發汗變成狐惑六七日不解

寒熱來去胸脇滿痛默默欲睡卧不得不欲飲食心

煩嘔逆

前胡

十兩去蘆頭

半夏

一兩湯浸七遍去滑

黃芩

三分

人參

一兩去蘆頭

甘草

三分炙  
微赤判

當歸

右為散每服五錢以水一大盞入生薑半分棗三枚

煎至五分去滓不計時候溫服一方無當歸

又方

出聖  
惠方

人參

去蘆頭  
一兩

陳橘皮

湯浸去白穢  
焙各一兩

枳殼

麩炒微  
黃去穢

赤

芍藥

當歸

剉微  
炒

半夏

湯洗七  
遍去滑

前胡

去蘆頭  
各三分

右為散每服五錢以水一大盞入生薑半分煎至五

分去滓不計時候溫服

赤芍藥散

出聖惠方

治傷寒不經發汗後成狐惑默默欲睡

起則不安咽中乾心腹滿身體痛內外似有熱煩嘔

不止

赤芍藥

一兩

枳殼

三分麩炒微黃

半夏

半兩湯洗七遍去滑

黃芩

半兩

前

胡

一兩去蘆頭

甘草

半兩炙微赤剉

右為散每服五錢水一大盞入生薑半分棗三枚煎

至五分去滓不計時候溫服

又方

出聖惠方

薰草

黃連

去鬚各一兩

黃芩

三分

石膏

二兩

葛根

剉

柴胡

各一兩

去苗

右為散每服五錢以水一大盞入生薑半分棗二枚

煎至五分去滓不計時候溫服

羚羊角散

出聖惠方

治傷寒不經發汗十日已上變成狐惑

腹脹面赤惡聞食氣

羚羊角屑

半兩

木通

剉

桑根白皮

大腹皮

剉

柴胡

去苗各

半兩

石膏

一兩

川朴硝

半兩

右為散每服五錢以水一大盞煎至五分去滓不計時候溫服

半夏散

出聖惠方

治傷寒不經發汗後成狐惑下利腹中痛

堅乾嘔腸鳴

半夏

一兩湯洗七遍去滑

黃芩

人參

去蘆頭

乾薑

炮製

黃連

去鬚微炒

甘草

半兩炙微赤剉

各三分

右為散每服五錢以水一中盞入生薑半分煎至六分去滓不計時候溫服



知母散

出聖  
惠方

治傷寒狐惑病咽喉乾痛唇口破裂或吐

膿血者

知母

一兩

石膏

二兩

甘草

炙微  
赤剉

黃芩

各三  
分

右為散每服五錢以水一大盞入糯米一百粒煎至

五分去滓不計時候溫服

又方

出聖  
惠方

茅根

一兩  
剉

子芩

三分

羚羊角屑

半兩

石膏

一兩

甘草

半兩  
炙微

赤  
剉

右為散每服五錢以水一大盞入竹葉二七片煎至五分去滓溫服不計時候

木通散

出聖惠方

治傷寒服冷藥過多寒氣在臟手足厥冷

爪甲稍青踟躕之間變成狐惑

木通

劉一兩

吳茱萸

半兩湯浸七遍焙乾微炒

桂心

一兩

細辛

半兩

甘

草

三分炙微赤劉

右為散每服五錢以水一大盞入棗二枚葱白二莖

煎至五分去滓不計時候溫溫頻服

又方

出聖  
惠方

附子

炮製去  
皮臍

白朮

各三分

桂心

半兩

吳茱萸

湯浸七遍  
焙炒半兩

細辛

一分

木通

三分  
對

右為散每服五錢以水一大盞入生薑半分煎至五  
分去滓不計時候溫服

又方

出聖  
惠方

乾薑

炮裂  
對

甘草

炙微  
赤對

附子

炮製去皮  
臍各半兩

細辛

桂心

白朮

各三分

右為散每服五錢以水一大盞入豉五十粒葱白二莖生薑半分煎至五分去滓不計時候溫服

治傷寒發汗下利不解心中躁悶復發壯熱大腸不通

咽中乾痛變成狐惑方

出聖惠方

皂莢

二挺去黑皮塗酥炙黃焦去子

川大黃

劉碎微炒半兩

檳榔

木香

各一分

右為散每服不計時候以溫生薑湯調下二錢

鼈甲散

出聖惠方

治傷寒不解變成狐惑默默欲睡卧不安

咽喉乾痛口内生瘡惡聞食氣時時下利

鼈甲

二分塗酥炙  
令黃去裙襴

川升麻

半兩

葳蕤

黃連

去鬚

當歸

劉微炒

赤芍藥

桂心

犀角屑

貝齒

茯苓

秦朮

去苗

甘草

炙微赤劉各一分

柴胡

去苗

麻黃

去根節

人參

去蘆

頭各

半兩

右為散每服不計時候以粥飲調下二錢

赤小豆當歸散

出金匱方

治傷寒狐惑病脈數汗出微煩默

默但欲卧三四日眼赤如鳩者得之七八日其面皆

黃黑能食者膿已成也

赤小豆

三兩  
炒熟

當歸

一兩半  
剉微炒

右為散每服不計時候以溫水調下二錢漿水服亦可

治傷寒不經發汗變成狐惑毒氣下蝕肛門痒痛至甚

或下膿血

出聖  
惠方

檳榔末 杏仁 朱砂

右研令勻用黑錫和丸如棗核大先用椿根槐白皮

各二兩以水一斗煎十餘沸去滓薰洗然後將藥  
內肛門中一日一易之

傷寒身體痠痛

論

夫太陽少陰厥陰皆有身痛當以外症與脈別之太陽  
症表未解脈浮緊法當身體痛宜麻黃湯以汗之

脈浮  
緊當

身體疼痛宜以汗解假令尺脈遲者不可發汗何以知  
其然榮氣不出血少故也尺脈遲者先以小建中湯以  
養之脈浮者太陽中濕一身盡痛發熱身黃小便不利  
麻黃湯主之

病人中濕因而傷風風濕相搏一身痛腫是名風濕當

於風濕中求之

麻黃如求湯主之

若脈沈自利而身體痛者陰

症也急當救裏宜四逆湯附子湯真武湯之類以溫之

大抵大便利而身體疼者當救裏大便秘而體痛者急當救表此不可不知也

或身重背強

腹中絞痛咽喉不利身如被杖者當作陰毒治之又問  
發汗後身疼痛脈沈而遲當用何藥仲景有桂枝芍藥  
生薑人參新加湯蓋為此症也小建中湯兼治汗後身  
疼脈沈而遲者若霍亂吐瀉止而身疼痛不休者少與  
桂枝湯即愈金匱要畧云瘡家雖身體痛不可發汗汗



出作瘥又問身痒者何也脈浮而遲遲為無陽不能作

汗其身必痒太陽病七八日脈微而惡寒以陰陽俱虛

不可更發汗更下更吐也

小柴胡湯主之若重反發汗則氣虛必兩耳聾無聞可苟

藥甘草附子湯素有熱人可黃耆建中湯

面亦有熱者未欲解也以其不能

得小汗出身必當痒宜桂枝麻黃各半湯

歌曰脇疼多屬少陽家燥

棄陽明並小柴裏水痞堅須十棗陰脇引痛臟中乖脇肋痛滿者邪氣在半表半裏之間也邪方傳裏永留為實氣鬱不行法常和解若夫裏水痛堅非下之不可也少陽病脇痛耳聾寒熱乾嘔或脇下堅滿並用小柴胡湯和解之陽明病不解傳入少陽脇下堅滿乾嘔小柴胡湯又陽明燥裏不大便脇下堅滿舌上胎滑小柴胡湯

太陽病咳嗽乾嘔微利心下痞硬引脇下痛身涼汗出  
或時頭痛此為表解裏有水子來湯下之病者脇下痛  
素有痞積在於臍傍引小腹入陰筋俱作痛此為臍結  
不治歌曰身疼浮緊太陽臨自利肝升腎帶沈中濕毒因與  
風濕其餘霍亂本條尋局方大柴胡症云邪結在裏大  
便閉澁心腹痛鞭者可服若身體疼痛是表症未解不可  
與之然則身體疼痛不脈沉下自利太陽之表症明矣  
其或自利脈沉此則陰症之身痛藏家之裏病云身病  
大抵多是表症太陽身痛脈浮緊無汗麻黃湯以汗之  
或只脈遲者血不足也先用小建中湯以養之俟其尺  
脈浮即用麻黃湯病七八日脈細惡寒為陰陽俱虛吐  
汗下並不可至在其人素無熱可芍藥甘草附子湯素  
有熱可黃耆建中湯厥陰少陽身痛其脈沉必自利四  
逆湯真武湯附子湯中濕一身盡痛不可汗下但利小  
便有本條陰毒身痛如被杖腹中絞痛脈沉而疾有本  
條風濕一身痛重但微汗不可大發汗有本條發汗後

身痛脈沉遲者桂枝加芍藥人參湯汗後身痛為寒邪在表脈沉遲為在裏用芍藥入榮人參安和真氣或用黃耆建中湯又汗後霍亂身痛不休少與桂枝湯

# 方

解仞湯 治傷寒往來寒熱一有時肢節煩疼者

恒山<sup>二兩</sup> 柴胡<sup>四兩</sup> 知母 甘草 青蒿子 桃枝<sup>各一</sup>

兩桂 生薑<sup>二兩</sup> 烏梅<sup>十二枚</sup> 葱白 薤白<sup>各三寸</sup> 柳枝

一握 鼈甲<sup>醋炙去裙襴二兩</sup>

右以水一斗二升煮取六升去滓再煮取三升溫服

一升寒熱前後各一服亦治久瘧不用葱薤亦良  
防風湯 治少陽病筋牽急而疼痛發作有時此為痺  
也

防風

甘草

各一兩炙

天南星

生薑

二兩炙

右以水四升煮取二升去滓溫服七合日三服

六物解肌湯 治傷寒發熱身痛

葛根

四兩

茯苓

三兩

麻黃 牡蠣

生薑

各二兩

甘草

一兩

右咬咀以水八升煮取三升分三服再服得汗通即

止古今錄驗無生薑甘草忌醋物

參苓散 解傷寒治百節疼一切虛勞氣疾並宜服之

人參

二兩

茯苓

一兩

白朮

二十兩

桔梗

十兩

橘紅

六兩

香白

兩

芷

三兩

芍藥

一兩

當歸

二兩

川芎

一兩

半夏

一兩

厚

一兩

厚

一兩

朴

二兩

官桂

去皮

枳殼

四兩

枳殼

四兩

枳殼

四兩

枳殼

四兩

枳殼

四兩

末

乾薑

春夏一兩

乾薑

秋冬二兩

麻黃

去根節

麻黃

春夏二兩

麻黃

秋冬三兩

甘草

三兩

右剉一處焙乾除官桂枳殼別杵外諸藥同搗麝末

分作六分於大鐵鍋內以文武火炒令微赤黃為

度不可令焦須是勻取出以淨紙襯安板床上候  
冷勿令侵塵土入前枳殼官桂川芎和勻杵為細  
末每服一錢水一盞生薑三片葱二寸煎七分通  
口服不拘時候

陰旦湯 治傷寒肢節疼痛內寒外熱心下虛煩

芍藥 甘草

各二兩

乾薑

黃芩

各三兩

桂心

四兩

大棗

十五枚

右咬咀以水一斗煮取五升去滓溫服一升日三服

夜再服令小汗出差

黃耆建中湯 治傷寒身痛尺脈遲及汗後身痛脈弱

黃耆

桂

各一錢半

白芍藥

三錢

甘草

一錢

右以水二盞薑五片棗二枚煎至八分去滓入稠飴一大匙再煎盡溫服舊有微瀉或嘔者不用飴

人參順氣散 治丈夫婦人風虛氣弱榮衛不和肢節疼痛身體沈重頭目旋暈肩背拘急手足冷麻半身不遂口眼喎斜痰涎不利言語蹇澀或脾胃不和心

腹刺痛胸膈痞滿倦怠少力霍亂轉筋吐瀉不止胎前產後並宜服之

乾薑

人參

各一兩

川芎

去蘆頭

甘草

炙

白朮

去蘆

苦梗

去

厚朴

去粗皮姜汁製

陳皮

洗去白

白芷

麻黃

去節各四兩

乾

葛

去蘆

右為細末每服二錢水一盞薑三片棗一枚薄荷五七葉同煎八分不拘時候如傷寒感風冷頭疼腰重咳嗽鼻塞加葱白煎



壞傷寒論

夫傷寒壞病者為三陰三陽俱受病訖毒氣未散留於臟腑令致病候多變故曰壞傷寒也本太陽病不解轉入少陽脇下牢滿乾嘔不能食往來寒熱其脈沈緊宜小柴胡湯寸口脈洪大數而滑洪大榮氣盛滑數衛氣實榮盛則鬱拂可與出汗衛實即大便牢難三焦閉塞津液不通榮衛相搏煩心發熱兩目如火鼻乾面赤舌燥齒黃大渴故過經而成壞病也傷寒太陽病三日已發

汗若吐若下若汗症仍不解者多變為壞病又太陽病轉入少陽已吐下發汗少陽症罷此為壞病知犯何逆以法治之此皆由傷寒病在諸經絡發汗吐下而病症不除又感異氣氣有寒暑燥濕風不同病變隨故謂之壞病又有傷寒過經再受熱邪留蓄臟腑病候多變者及傷寒解後虛羸少氣餘症未除者皆謂之壞病也

方

麥門冬散

出聖惠方

治傷寒壞病身體沈重無力昏昏如醉

頭痛煩悶

麥門冬

三分去心

百合

三分

麻黃

三分去根節

葛根

半兩剉

柴胡

一兩去苗

桔梗

半兩去蘆頭

木通

三分剉

甘草

半兩炙微赤剉

羚羊角

半兩

石膏

二兩

赤茯苓

一兩

右為散每服五錢以水一大盞入生薑半分煎至五

分去滓不計時候溫服

升麻散

出聖惠方

治壞傷寒經數日未解潮熱作時煩躁面

赤

川升麻 三  
鼈甲 三分

三分 塗醋炙  
令黃去裙襴

前胡

半兩 去蘆頭

烏梅肉

枳殼 三分 麩炒  
兩 微黃去穢

犀角屑

三分

黃芩

三分 微赤剉

葛根

三分 剉

右為散每服五錢水一大盞煎至五分去滓入生地

黃汁一合更煎一兩沸不計時候分為二服

又方

出聖惠方

梔子仁

三分

川升麻

三分

黃芩

一兩

石膏

一兩

乾薑

半兩

剉

右為散每服五錢水一大盞煎至五分去滓入生地

黃汁一合更煎一兩沸不計時候分為二服

前胡散

出聖惠方

治傷寒後已經十餘日潮熱不退身體沉

重昏昏如醉恐成壞病

前胡

一兩去蘆頭

百合

一兩

麻黃

三分去根節

葛根

一兩剉

麥門

冬

半兩去心

石膏

一兩

右為散每服五錢以水一大盞入生薑半分煎至五

分去滓不計時候溫服

又方

出聖惠方

柴胡

一兩 去苗

防風

三分 去蘆頭

黃芩

一兩

葛根

一兩 剉

甘草

半兩

炙微

前胡

一兩 去赤剉 蘆頭

右為散每服五錢水一大盞煎至五分去滓不計時

候溫服

鼈甲散

治壞傷寒經十日已來未解熱在胸膈煩悶

不止

鼈甲

塗醋炙令黃去裙襖

柴胡

去苗

川升麻

已上各一兩

烏梅肉

一兩

聖濟作

枳殼

麩炒微黃

犀角屑

黃芩

已上各一兩

甘草

半兩

炙微

赤劉

右為散每服五錢水一大盞煎至五分去滓入生地黃汁半合更煎一兩沸不計時候分溫二服聖濟方水一盞半煎至八分去滓下地黃汁二合攪勻食後溫服名鼈甲湯

犀角散

出聖惠方

治壞傷寒日數多後煩熱不退頰赤口乾

犀角屑

一分

柴胡

三分

吳藍

三分

大青

一分

川升麻

一分

烏

梅肉

三分

黃芩

三分

甘草

半兩

微赤劉

右為散每服五錢水一大盞入竹葉三七片煎至五

分去滓不計時候溫服

麥奴丸

出聖惠方

治壞傷寒熱在胸中口不能語

麥奴

半兩

竈下黄土

半兩

竈突中墨

半兩

梁上塵

半兩

麻黃

一兩去根節

川大黃

半兩剉碎微炒

黃芩

半兩

川朴硝

一兩

右為末煉蜜和丸如彈子大每服以新汲水研下一

丸良久令極飲水不欲水但強飲之須臾必寒寒

已當有汗出便愈



宣毒麝香丸

出聖惠方

治壞傷寒心下結硬腹滿氣急大便

不利體變如桃枝色熱結在內者

麝香

一分細研

猪苓

一分去黑皮

川芒硝

一分

柴胡

半兩去蘆

芫花

一分醋拌炒乾

川大黃

一兩剉微炒

梔子仁

半兩

右為末入麝香同研令勻煉蜜和丸如梧桐子大每

服溫水下二十丸良久必利未利再服

知母麻黃湯

出永類鈴方

治傷寒壞病差後或十數或半月

二十日終不惺惺精神昏語錯又無寒熱醫或作

鬼祟或作風疾多端治藥弗效或朝夕潮熱煩赤或似瘡皆由發汗不盡餘毒在心包絡間所致

知母

炒一兩半

麻黃

去根節煎掠去沫

甘草

炙

芍藥

黃芩

去黑

心各桂

去粗皮半兩破半兩

右剉如麻豆大每服五錢水一盞半煎至五分去滓

溫服半日內可相次三服溫服取汗再服若心煩

不眠欲飲水者當稍與之令胃中和即愈未汗須

再服

升麻湯 治傷寒壞病經數日未差諸藥不能除

升麻

鼈甲

醋炙去  
裙襴

枳殼

去穰  
麩炒

犀角

鎔

葛根

黃

芩

去黑  
心

甘草

炙

前胡

去蘆  
頭

烏頭

炮製去皮  
臍各半兩

右剉如麻豆大每服五錢水一盞半煎至八分去滓  
下地黃汁二合攪勻食後溫服

麝香丸 治傷寒壞病冷熱相搏心下結胸滿氣急大

便不利體變黃青黑如桃枝色四肢逆冷熱結在內  
者不可服湯飲

麝香

研

猪苓

去黑皮

朴硝

研

薏花

炒

芫花

醋炒

各一分

大

黄

剉炒

商陸

甘遂

焙各半兩

右搗研為末煉蜜和搗三五百杵丸如棗豆大每服

十丸食前溫湯下良久必利未利再服

黑奴丸 治傷寒壞病頭與骨肉俱痛狂言妄語醫所

不療者

麻黃

去根節

黃芩

去黑心

甘草

炙剉

竈突墨

芒硝

豉

一合炒

右搗羅為末鍊蜜和搗三百杵如桐子大每服一

九新汲水研下不拘時候

大效九 治傷寒壞病

烏頭

附子

二味去皮臍為末用醋一升煎盡好酒一升再煎成膏後入諸藥

烏

蛇

酒浸去皮骨炙去

細辛

去苗葉

厚朴

去粗皮姜汁炙

人參

赤茯苓

去黑皮

桂

去粗皮

乾蝎

炒

木香

研

草豆蔻

去皮

砂

胡桐淚

檳榔

剉

膩粉

不灰木

各一分

右一十七味將十五味搗研為末入二味膏子內和

搗九如梧桐子大每服十九如陽盛研牛黃膩粉  
水下如陰盛發厥心胸結痞煎柳枝湯下

麥門冬湯 治傷寒壞病經久不差潮熱不退身體沉  
重昏憤煩悶

麥門冬

去心焙

赤茯苓

去黑皮各一兩

鼈甲

去裙襴醋炙一兩

甘草

炙剉

半兩

右麤搗篩每服三錢水一盞烏梅一箇小麥五十粒  
同煎至七分去滓溫服不拘時候

前胡湯 治傷寒壞病潮熱頰赤口乾煩躁神思昏塞

經久不瘥

前胡

去蘆頭  
二兩

柴胡

去苗

常山

人參

葛根

剉各  
一兩

甘

草

炙剉  
三分

右麤擣篩每服三錢水一大盞烏梅一個椎碎生薑  
三片煎至七分去滓溫服不拘時候

治傷寒八九日不瘥名為敗傷寒諸藥不能消者方名

鼈甲散

鼈甲

炙

蜀升麻

前胡

烏梅

枳實

炙

犀角屑

黃芩

兩各一

甘草

一兩炙

生地黄

八合

右切以水八升煮取三升分五服頻頻服若不解更服若頭面赤去石膏用乾葛四兩無地黃用豉一升煮取三升分三服忌蕪荑

治壞症傷寒病十餘日之後過經已下已汗而未愈者廬州郭醫名羽云渠義父李助教大名府善方脈嘗合以治四五人皆安其方得於天台一僧用藥甚異



或謂其效在甕取殊不可曉

紅娘子

二七個去頭  
翅足細研

大棗

兩枚剝  
取肉

右同研勻爛丸如理中丸大每服一九以白水煎服  
先頭目次遍身覺微微有汗然後服小建中湯加黃  
耆病瘥即止郭醫但能記此說未嘗敢用不可不錄  
以俟名醫開之

回生散 治傷寒失下或成壞症謔言妄語發黃發斑  
大便不通小便如血內有燥糞畜血舌縮神昏不能

服大湯劑但服此藥一呷燥便下通澀然汗出而愈

甘遂

生用

黑牽牛

生取末

郁李仁

去皮

檳榔

生用

大黃

生用

大

戟

六味各等分

右件為細末每服一錢入輕粉一字以蜜水少許用柳枝調勻服之更量虛實加減不拘時候

普濟方卷一百四十二

欽定四庫全書

子部

普濟方卷一百四十三

詳校官太醫院恩糧臣孔毓秀

編修臣倉聖脈覆勘

總校官庶吉士臣何思鈞

校對官中書臣王鍾泰

謄錄監生臣崔鶴立

欽定四庫全書

普濟方卷一百四十三 明 周王朱橚 撰

傷寒門

傷寒下痢

論

夫傷寒病若表實裏虛熱氣乘虛而入攻於腸胃則下赤黃汁若濕毒氣盛則腹痛壯熱下膿血如魚腦或爛肉汁若寒毒入胃則腹滿身熱下痢者不可攻其表汗出必脹滿表裏俱虛故也傷寒六七日下利更發熱而

痢者其人汗不止者死但有陰無陽故也下痢有微熱  
其人渴脈弱者今自愈脈沉弦者為下重其脈大者為  
未已脈微數者為欲自止雖發熱不死少陰病八九日  
而身體手足盡熱在膀胱必便血下痢陽明病下痢其  
脈浮大此皆為虛強下之故也傷寒下痢日十餘行其  
人脈反實大者死 又云傷寒下痢其種固多然皆由  
表實裏虛寒熱濕氣乘虛客搏於腸胃之間腸胃隨其  
所傷而下若寒則青白熱則黃赤若寒熱相雜則赤白

俱下兼以濕毒則又下膿血如魚腦如爛肉也其候不  
同有下痢而脈虛者有下痢而脈實者有濕毒勝而腹  
痛者有熱氣盛而煩渴者有津液搏滯而腸垢者有燥  
屎結聚而譫語者其要固在審別虛實治之也 下利  
須別陰陽三陽下利身熱太陰下利手足溫少陰厥陰  
下利身涼無熱此大槩也自利不渴小便色白脈微清  
穀厥冷惡寒凡此皆寒渴欲飲水尿色如常泄不赤黃  
發熱後重凡此皆熱毒之風邪入胃木來勝土故大腸

暴下其裏虛脇熱者下利尤多或解散或攻泄或溫中  
或固下焦或利下便隨症有條但不容發汗蓋邪氣內  
攻若外復泄其津液則胃氣轉虛必脹滿矣然則下利  
之脈何如曰身涼脈小者順身熱脈大者逆大則為虛  
微弱則自止滑而數者是又有宿食也若夫下利譫語  
而目直視下利厥燥而不得眠下利發熱汗不止或厥  
不止下利厥冷無脈灸之身不溫而脈不回矣

張仲景  
傷寒論

陽明無下痢症不可下或有云下利其脈浮大者此皆  
為虛以強下之故也設脈浮革因爾腸鳴當溫之與水

即臧脇熱利者曰腸垢臍下必熱便中垢膩赤黃或飲  
水乃熱也黃芩湯白頭翁湯藥皮湯此症惟黃芩最妙  
凡脇熱下利通用之胃寒利者曰鳴瀉臍下必寒腹脹  
滿便中黃白青黑或清穀四逆湯理中湯白通加附子  
湯寒毒下利面帶陽者下虛也溫毒利者腹必痛下膿  
血如魚腦如爛肉汗桃花湯地榆散黃連阿膠湯或用  
除濕湯胃風湯加木香下利譫語有燥屎也脈不微細  
可下之用小承氣湯三部脈平心下硬而下利者腸胃  
積結也急下之陰毒陽毒亦有下利下痢身痛腹滿清  
穀急救裏用四逆服藥後清穀止但身痛者急解表用  
桂枝湯風邪入胃下利熱敗毒散冷則金不換正氣散  
或加乾薑木香假如他病脈風失血崩中漏血之人繼  
而下利天腸震急痛不可忍雖與巴粉取積已行疎導  
其痛獨存者此非積也榮血虧少陽剛勝陰故爾後藥  
當以川芎為佐榮氣一調其痛立止誤或小便不通五  
苓散不能作效當以分心氣飲加川芎來門冬與之自



然快利或蘊熱血利腹中痛甚疎通滌熱痛未得平亦  
當為之調血詩曰臟結無陽舌結胎陰筋結痛引臍來  
雖然飲食全如故下利頻頻不可回臟結者臟氣閉結  
而不復流布也一息不運機絨窮一毫不讀穿壞判臟  
其可結乎外症有如結胸但飲食如故時時下利為異  
耳其脈寸浮關沉細而緊無陽舌胎陰筋皆亦名臟結  
於此而圖其痊濟豈不難矣哉臟結無陽症不往來寒  
熱或寒而不熱其人反靜舌白胎者皆不可下也蓋其  
邪未全成熱猶帶表寒可刺關  
元穴仍與小柴胡湯加生薑

## 方

黃連散

出聖惠方

治傷寒吐下後毒氣不解致成下痢是陰

陽二氣未和

黃連

三分去  
鬚微炒

人參

一兩去  
蘆頭

黃芩

三分  
乾薑

半兩炮  
製

右為散每服五錢水一中盞煎至六分去滓不計時

候溫服

阿膠散

出聖  
患方

治傷寒吐熱頭痛四肢煩疼未經發汗之

大早遂令汗出下痢不止

阿膠

一兩搗碎  
炒令微燥

黃連

三分去  
鬚微炒

葛根

一兩  
剉

黃芩

三分

右為散每服三錢水一中盞煎至六分去滓不計時

候溫服

治傷寒夾熱腹痛下痢方

出聖惠方

川升麻

黃連

去鬚微炒

當歸

剉微炒

赤芍藥

桂心

黃蘗

微炙剉

甘草

炙微赤剉已上各三分聖濟方已上各半兩

右為散每服四錢水一中盞煎至六分去滓不計時

候溫服聖濟方剉如麻豆每服三錢水一盞煎至

七分去滓食前溫服名升麻黃連湯

犀角散

出聖惠方

治傷寒熱毒攻腸胃下痢困絕

犀角屑

一兩

黃連

一兩去鬚微炒

龍骨

一兩

當歸

一兩剉微炒

人參

三分去

阿膠

一兩搗碎  
炒令黃燥

蘆頭

右為散每服五錢水一大盞煎至五分不計時候溫

服聖濟方水一盞半煎至八分去滓食前溫服名

龍骨湯

赤芍藥散

出聖惠方

治傷寒下痢腹痛不可忍

赤芍藥

當歸

剉微炒

黃芩

去黑心

黃連

去鬚微炒已上各三分聖

濟方已上

伏龍肝

一兩聖濟作一兩五錢

右為散每服四錢水一中盞煎至五分去滓不計時

候溫服聖濟方每服三錢水一盞煎至六分去滓

食前溫服名芍藥湯

黃耆散

出聖惠方

治傷寒下痢煩熱不止每有所往澁滯疼

痛

黃耆

一兩剉

枳殼

半兩麩炒微黃去穢

大腹皮

一兩剉

黃連

三分去鬚

微炒

赤茯苓

一兩

赤芍藥

一兩

甘草

三分炙微赤剉

阿膠

一兩搗碎炒令

黃燥

右為散每服四錢水一中盞煎至六分去滓不計時

候服

大青散

出聖惠方

治傷寒煩熱不解下痢困篤

大青

一兩甘草

一兩炙微赤剉聖濟作半兩

阿膠

一兩搗碎炒令黃燥

赤石

脂

一兩聖濟作半兩

梔子仁

半兩

右為散每服五錢水一大盞入豉五十粒薤白三莖

煎至五分去滓不計時候溫服聖濟方作水一盞

半入豉一百粒薤白五寸同煎至八分服名大青

湯

治傷寒洩痢或渴不得下食虛而煩嘔方

出聖惠方

附子

半兩炮製去皮臍

乾薑

半兩炮製剉

甘草

半兩炙微赤剉

犀角屑

三分

右為散每服四錢水一中盞入葱白五寸煎至六分

去滓不計時候溫服

秦皮散

出聖惠方

治傷寒腹中微痛下痢不止

秦皮

三分

黃連

三分去須微炒

白頭翁

半兩

阿膠

三分搗碎炒令黃燥

當

歸

半兩剉微炒

右為散每服三錢水一中盞煎至六分去滓不計時

候溫服一方無當歸

豉薤湯

出千金方

治傷寒暴痢腹痛及溫毒內虛外攻胃下

黃赤汁爛肉汁赤滯諸毒熱

豉

一合

薤白

一握長三寸

梔子仁

五枚擘

右以水一大盞煎至六分去滓不計時候溫服

惠草散

出聖惠方

治傷寒熱毒在胃下痢

惠草

一兩外臺秘要作二兩

黃連

二兩去鬚微炒外臺秘要作四兩

當歸

一兩



劉微炒朴臺

秘要作二兩

右為散每服三錢水一中盞煎至六分去滓不計時  
候溫服外臺秘要方水六升煮得二升適寒溫飲  
五合日三忌猪肉冷水等物名惠草湯治傷寒除  
熱上下痢

黃連散

出聖惠方

治傷寒下痢荒語心中虛熱

黃連

一兩去鬚微炒

牡蠣

三分燒為粉

龍骨

一兩當歸

三分劉微炒

人

參

三分去盧頭

赤石脂

一兩

甘草

半兩炙微赤劉

右為散每服三錢粥飲調下不計時候

牡蠣散

出聖惠方

治傷寒壯熱下痢煩渴

牡蠣

一兩燒為粉

龍骨

一兩半

黃連

一兩去鬚微炒

烏梅肉

三分微炒

右為散每服二錢粥飲調下不拘時候聖濟方空心

食前調服

又方

出聖惠方

黃連

三分去鬚微炒

當歸

三分剉微炒

赤石脂

二兩

子芩

三分

右為末煉蜜和丸如桐子大每服三十九丸粥飲送下

不計時候

治傷寒下痢不能食

出聖惠方方見本門  
下膿血痢類黃連丸

治傷寒後痢日久津液枯竭四肢浮腫口乾

出本草

右用冬瓜一枚黃土泥厚裹五寸煨令爛熟去土絞

汁服之

赤石脂禹餘糧湯 治傷寒下痢不止心中痞勒利在

下焦者主之

方見本門辨太陽  
脈症并治中第六

訶梨勒丸 治傷寒後膿血痢下部疼痛

訶梨勒

炮去核

人參

各一兩

白茯苓

去黑皮

當歸

切焙

木香

白芷

各三分

牡丹皮

兩半

右搗羅為末煉蜜和搗五百下丸如梧桐子大每服

三十丸食前米飲下日再

香豉湯 治傷寒後下痢赤白如爛肉壯熱大腸痛

豉

半合

山梔子仁

烏梅肉

甘草

炙各一分

薤

五莖

右剉如麻豆分二服每服水一盞半煎至八分去滓

食前溫服

黃連當歸丸

出肘後方一名赤石脂丸

治傷寒後熱痢

黃連

去鬚別炒

當歸

切焙各一兩

乾薑

炮各半兩

赤石脂

半兩

右搗羅為末煉蜜和搗五百下丸如梧桐子大每服

三十丸食前米飲下日進三服

地榆飲 治傷寒後下痢赤白

地榆

二兩

赤石脂

一兩

右麤搗篩每服三錢水一盞煎至七分去滓食前溫

服日再

當歸湯 治傷寒時氣後下痢不止

當歸

切焙

黃連

去鬚別炒

黃蘗

去粗皮

地骨皮

各一兩

右剉如麻豆每服三錢水一盞煎至七分去滓下蜜一合攪勻食前溫服

龍骨丸 治傷寒後臟腑虛冷下痢白膿腹痛

龍骨

乾薑

炮

附子

炮裂去皮臍等分

右搗羅為末醋煮麴糊為丸如梧桐子大每服三十

丸食前米飲下日再

黃連丸

治傷寒後一切痢疾無問冷熱腹痛

黃連

去鬚炒  
二兩

木香

吳茱萸

湯洗三通炒  
乾各一兩

右搗羅為末麪糊和丸如梧桐子大每服二十九空

心食前米飲下

千鍼散

治傷寒後下血及瘡子後下血

千鍼草

地榆

防風

去蘆

生乾地黄

焙

定粉

炒各  
半兩

礞砂

二錢

右搗研為散每服一錢空心食前米飲調下

貫衆散 治大人小兒傷寒後餘毒有熱下血不止

貫衆

逐葉摘  
下令淨

黃蘗

去粗皮蜜  
炙等分

右搥為散每服一錢至二錢以煎黑豆汁放溫調下

勝金散

出肘  
後方

治傷寒後陽毒入胃下血頻併疼痛不可

忍

欝金

大者五  
枚搥

牛黃

研皂  
子大

右搥研為散每服一錢以醋漿水一盞同煎二沸溫

服



黃連散

治傷寒後挾熱下血不止

右用黃連去鬚為末一兩鷄子白和餅燒黑再搗羅為末每服一錢溫酒調下不拘時候日再

責毒湯 治太陰病下痢赤白痛下重此涼折熱或水穀寒熱所致

罌粟殼 地榆 白朮 訶子 青皮 甘草

當歸 紫橘葉

各一兩乃旱蓮葉是照堂紅者

右水五升煮取二升去滓溫服七合若但下血有寒

濕者加乾薑一兩

調中湯

出醫方集成

治秋夏之間暴寒折於盛熱熱結於四

肢則壯熱頭痛自汗寒傷於胃則下痢或血或水脈數弦洪胃熱不停飲食而吐宜服和之

大黃

去皮酒洗三兩

葛根

芍藥

桔梗

黃芩

茯苓

藳本

白朮

甘草

炙各一兩

右以水七升先煮葛根減三升去上沫內諸藥再煮取三升去滓溫服一升得快利壯熱便歇小兒減

與服安常云久年腸風下之亦瘥

化毒散 治厥陰病大便秘血或黃赤者宜消其毒

槐花 貫衆

各等分

右搗篩取艾一分糯米七合水一升煮取五合和方寸匕服大便頻色變為度

堅止湯 治傷寒下痢赤白膿血腹中痛者

黃連 吳茱萸 厚朴

各一兩

右以水四升煮取二升五合去滓溫服五合欲作丸

煉蜜丸如梧桐子大白飲下三十粒熱多減吳茱萸半兩一方乾薑代茱萸

瞿麥湯 治傷寒下痢赤白膿血下重或不能便或小  
便少當遂其邪則愈以腸痺故也

瞿麥

二兩

扁竹

甘草

車前子

各一兩

大黃

二兩

梔子

木通

滑石

各五錢

右以水五升煮取二升去滓溫服五合下其畜毒排  
其膿血未愈再服

增損四物湯

出永類  
鈴方

治少陰下痢手足冷無熱候者

甘草

炙二兩

人參

龍骨

各二兩

黃連

乾薑

各一兩

附

子

一枚炮裂  
去皮臍

右劉散每服三錢水一盞煎七分日三服不差復作

下痢腹痛加當歸二兩嘔者加橘皮一兩

豉薤湯 治傷寒暴下及滯痢腹痛

豉

一升

薤白

一把  
寸切

右以水三升煮令薤熟漉去滓分為再服不差復服

通草湯 治傷寒下痢脈微足厥冷

通草 乾薑

各一兩

枳實

四兩

附子

一枚炮裂破

人參

一兩

右切以水六升煮取二升適寒溫飲五合日三不差稍加至七合忌猪肉

阮氏桃華湯

出金匱方

治傷寒後赤白帶下無數

赤石脂

八兩冷多白滯者減四兩

粳米

一升

乾薑

四兩冷多白滯者加四兩

右以水一斗煮米熟湯成去滓服一升不差復服熱多則帶赤冷多則帶白張仲景傷寒論煮湯和赤

石脂末一方寸匕服

犀角湯 治傷寒下痢惡血不止

乾薑

一兩

犀角

一兩末

地榆

一兩

蜜

二合

右切以水五升煮取一升半去滓下蜜更煮至一升分三服自愈又治熱毒蠱利

治傷寒下痢後更煩按之心下硬者虛損也

梔子

十四枚擘

豉

四合

右以水四升煎梔子取二升半內豉更煮取一升去

滓分再服得吐餘勿服嘔有癰膿者不可服嘔膿  
盡乃愈若無梔子用烏梅十四枚亦可

治少陰病下痢咽痛胸滿心煩

右以豬膚一斤以水一斗煮取五升去滓加白蜜半  
分粉五合熬香和勻相得溫分六服

傷寒下膿血痢

論

夫傷寒後變或血痢者本病差之後熱毒未散乘虛客  
於腸胃與津液相搏故下痢膿血毒氣甚則壯熱而腹



痛濕毒加之則所下如魚腦或如爛肉又傷寒未解少

陰病下痢便膿血者亦濕熱相搏故也

歌曰下膿血室必澹言濕毒無如腸

垢鮮消穀糞堅臍下蓄膀胱熱結六條全衝脈為血室也男女均有此血氣亦均有此衝脈衝之得熱血必妄行在男子則為下血謔語在婦人則於經水適去之時經氣尚虛邪乘虛入或熱退而胸滿謔語或畜血而寒熱似瘧皆為之熱入血室私竊惟夫世俗常談九病皆先調氣而血之一字念不到焉其間三才之理血則曰婦人有之不思血氣即陰陽也負陰抱陽中兩間而為人誰獨無此血氣哉否則張朱之書所謂桃仁承氣湯抵常湯丸之類是特為婦人設耳然而血症之味何如曰挾血者脈來乍澀乍數悶灼明滅或沈細而隱伏也若夫血熱交攻則寸關洪滅天抵多於左手見之左手主血因如是爾經云血上逆則忘血下畜則狂下焦畜

血小便必自利血結之處又當以此推之外症其于吐血汗解陽明病下血譙語或胸脇滿如結胃暮夜如見怔狀此為熱入血室頭汗出者刺期門以瀉肝若不刺合用小柴胡湯加生地黃枳殼梔子仁腹痛身熱下膿血如魚腦如爛肉汁曰濕毒桃花湯地榆散黃連阿膠九治要方用胃風湯加水香或除熱湯熱氣乘虛入于腸胃臍下有熱泄汗赤黃白腸垢黃芩湯白頭翁湯蘼皮湯無表裏症已下後脈數不解消穀易飢多日不大便此有瘀血桃仁承氣湯抵當湯或小柴胡加桃仁黃又脾弱症胃熱消穀有木條下焦畜血其人如狂小腸結急小便利必自利與抵當九或小柴胡加桃仁天黃抵當湯大峻合用者只與抵當九太陽病不解熱結膀胱其人如狂而自下下者愈不愈用桂枝湯瘀血去甘草半錢川芎香附倍之枳殼又倍之新汲水煎入醋下失血少血或尺脈遲或諸脈不出湯劑中須以人參為佐期門即三焦之府取穴以病分十指中節為寸令仰卧從

臍心正中向上五寸以墨點定從墨點兩邊橫量各二寸半大約直兩乳是期門穴也針入四分此症治論穴法可與咳逆條乳下穴參用

# 方

犀角散

出聖惠方

治傷寒表實裏虛熱氣乘虛攻於腸胃下

膿血或如爛肉或如魚腦腹痛壯熱

犀角屑

半兩

黃蘗

半兩

赤剉

黃芩

半兩

漏蘆

一分

黃連

三分

去鬚

當歸

半兩

剉

牡蠣

半兩

燒

艾葉

一分

醋

石榴皮

微炒

桑寄生

半兩

甘草

半兩

炙

微赤剉

右為散每服四錢水一中盞入薤白五寸煎至六分

去滓不計時候溫服

地榆散

出永類  
鈴方

治傷寒熱毒不解日晚即壯熱腹痛便

痢膿血

地榆

剉

黃連

去鬚  
微炒

犀角屑

茜根

黃芩

去黑心  
已上各

一梔子仁

半  
兩

右為散每服四錢水一中盞入薤白五寸煎至六分

去滓不計時候溫服聖濟方一方每服五錢水一

蠶半煎至八分去滓食前溫服名犀角湯一方每服三錢水一盞薤白三寸同煎六分去滓不拘時

溫服名地榆湯

治傷寒熱毒入胃下痢膿血名黃連阿膠湯

出千金方

黃蘗

一兩微炙剉外臺祕要作二兩

黃連

二兩去鬚微炒外臺祕要作四兩

梔子

仁

半兩外臺祕要作十四枚擘

阿膠

一兩搗碎炒黃燥

右為散每服五錢水一中盞煎至六分去滓不計時候溫服外臺祕要方四味水六升煮三味取二升

去滓內膠令烊溫分再服忌猪肉冷水名蘗皮湯

治傷寒後下痢膿血

治傷寒熱毒入胃大便秘膿血腹中疔痛

出聖惠方

黃連

半兩去  
鬚微炒

赤石脂

一兩

當歸

半兩剉  
微炒

乾薑

一分炮  
製剉

赤芍藥

半兩

黃芩

半兩

右為散每服三錢水一中盞入粳米五十粒煎至六

分去滓不計時候溫服

竹茹飲子

出聖惠方

治傷寒痢下膿血

竹茹

半兩

子芩

半兩

川升麻

半兩

聖濟

木通

半兩

聖濟作三分

赤芍藥

半兩

黑木耳

一兩

微炒聖濟作一兩半

右細剉和勻每服半兩水一大盞煎至五分去滓入

生地黃汁半合攪令勻不計時候溫服聖濟方每

服三錢水一盞煎六分入生地黃汁一合攪勻食

前溫服名竹茹湯治傷寒後下血

治傷寒熱毒下痢膿血腰膈下疼痛

出聖惠方

黃連

一兩去精微炒

龍骨

一兩

當歸

一兩

微炒

黃芩

半兩

牛黃

一分

細麝香 一分  
研細研

右為細散每服二錢粥飲調下不計時候

地榆散 治傷寒熱毒下膿血或如赤小豆汁腹痛煩悶

地榆 三分  
剉 黃連 一兩去  
鬚微炒 栢葉 三分炙  
黃蘗 三分微

黃芩 三分  
龍骨 一兩  
赤石脂 一兩  
赤地利 一兩  
阿膠 三分搗  
碎炒令

黃犀角屑  
燥

右為細散每服二錢粥飲調下不計時候



黃連散

出聖惠方

治傷寒熱毒痢下膿血腹痛

黃連

去積微炒

當歸

剉微炒

阿膠

搗碎炒令黃燥

黃芩

赤芍藥

地榆

已上各三分

甘草

半兩炙微黃

右為細末每服二錢粥飲調下不計時候

黃根散

出聖惠方

治傷寒熱毒下膿血痢及腹痛壯熱

黃根

一兩

龍骨

一兩

黃連

一兩去積微炒

犀角屑

一兩

黃蘗

半兩

微炙剉

黃芩

三分

赤地利

一兩

赤鼠尾花

一兩

右為細散每服二錢粥飲調下不計時候

治傷寒熱毒入胃下痢膿血方

出聖惠方

龍骨

二兩

黃連

一兩半去

木香

一兩

右為細散每服二錢粥飲調下不計時候

赤石脂散

出聖惠方

治傷寒腹痛下痢膿血日夜不歇

赤石脂

半兩

乾薑

一分炮製對

厚朴

半兩去粗皮塗生薑汁炙令香熟

訶

梨勒皮

半兩炒微黃

右為細散每服二錢粥飲調下不計時候聖濟方食

前米飲調下日三服

烏梅丸

出聖惠方

治傷寒下痢腹痛

烏梅肉

三分微炒

黃連

三分去鬚微炒

當歸

三分微炒

訶梨勒皮

三分炒

阿膠

半兩兩揲碎炒令黃燥

乾薑

一分炮製劉

右為末煉蜜和丸如梧桐子大每服二十九丸粥飲送

下不計時候聖濟方每服食前米飲下二十九加

至三十九治傷寒後溫熱不除下痢膿血晝夜無

度

香連散

治傷寒後下痢膿血疼痛

木香

半兩

黃連

去鬚 一兩

青橘皮

去白焙 半兩

右搗羅為散每服二錢米飲調下不拘時候服

黃連湯

出活人書方

治傷寒熱病差後下痢膿血不止

黃連

去鬚炒 一兩

黃芩

去黑心 三分

梔子仁

一分 阿膠

炙令燥 半兩

右麤搗篩每服三錢以水一盞煎至六分去滓食前

溫服之

黃耆湯

治傷寒後下痢赤多白少所往澀痛宜服之

黃耆

一兩 枳殼

去穢 炒

大腹皮

各半兩

黃連

去鬚 三分

白茯苓

去黑  
心 芍藥

各一兩

甘草 炙三

分

右麤搗篩每服五錢以水一盞半煎至一盞去滓食

前溫服

治傷寒後下痢膿血方

龍骨

二兩

黃連

去鬚炒  
一兩

右搗羅為散每服二錢食前米飲調下日三夜一

黃連丸 治傷寒熱病後熱毒下痢膿血

黃連

去鬚炒  
三分

烏梅肉

炒二  
兩

右搥羅為末煉蜜入少蠟和搥五百杵丸如梧桐子

大每服二十九空心米飲下加至三十九

赤石脂湯

出肘後方

治傷寒下痢膿血腹痛不止

赤石脂

一兩

乾薑

炮

附子

炮製去皮臍

當歸

切焙各半兩

芍藥

一兩

右剉如麻豆每服五錢以水一盞半煎至一盞去滓

食前溫服一方無附子

木瓜湯

治傷寒後下痢膿血時復憎寒

乾木瓜

焙

白朮

白芷

各一兩

黃連

去鬚兩半

附子

炮製去皮

臍石膏

研碎

赤石脂

桑根白皮

各二兩

桂

去皮

芎藭

當歸

各一兩半

白豆寇

去皮一分

芍藥

三分

黃芩

去黑心半兩

龍骨

三兩

右咬咀每服五錢以水一盞半入生薑一分拍碎同

煎至八分去滓溫服

白芷黃連湯

治傷寒後下痢膿血食物不得氣脹腹

滿

白芷

去麤皮 一兩

黃連

去鬚 一兩

天雄

去麤皮臍炮 裂一兩半

地榆

一兩

桂

去麤皮 一兩

當歸

剉焙 一兩半

厚朴

去麤皮姜汁炙 一兩半

黃耆

剉 一兩

赤石脂

一兩 半

白朮

一兩

訶梨勒皮

煨 一兩半

乾薑

炮 半

黃芩

去黑心 半兩

芍藥

一兩 半

吳茱萸

洗焙炒 半兩

龍骨

一兩 半

右剉如麻豆每服三錢水一盞半煎至八分去滓空

心腹溫服日三

藥公湯

出活人書方

治傷寒下痢亦治人熱血痢

藥皮

三兩

黃芩

二兩

黃連

一兩



右為麤末每服三錢水一盞煎八分服腹痛加山梔  
子小便不利加赤茯苓阿膠煎

治傷寒熱毒下血

出肘  
後方

右用羚羊角末服之即差又療疝氣

黃芩湯

出楊氏  
家藏方

治傷寒太陽少陽合病白下痢

黃芩

三分

芍藥

甘草

各半  
兩

右咬咀每服五錢水一盞半棗二枚煎至一盞去滓

溫服

紫參湯

出金匱方

下痢肺痛

紫參

半斤

甘草

三兩

右以水五升先煮紫參取二升內甘草煮取一升半

分溫三服

訶梨勒散

出金匱方

氣痢

右用訶梨勒十枚煨為散粥飲和頓服

七宣丸

出濟生拔萃

治傷寒汗下後裏急後重下痢者

大黃

一斤

桃仁

十二個去皮尖

木香

五錢

檳榔

五錢

訶子皮

五錢

右為細末煉蜜為丸如梧桐子大每服五十九溫水

下

承氣湯

出千金方

治下血

枳實

五枚

芒硝

半升

大黃

四兩

甘草

二兩

右四味咬咀以水五升煮取二升去滓適寒溫分三

服如人行五里進一服取下利為度若不得利盡

服之

傷寒自利

論

夫傷寒自利何以明之自利者有不經攻下自然溏瀉者是也自利多種須知冷熱虛實消息投湯無致失差雜病自利多責為寒傷寒下利多由脇熱其與雜病有以異也表邪傳裏裏虛脇熱則利不應下而便攻之內虛脇熱遂利是皆脇熱也又合病家皆作自利太陽與陽明合病必自下利葛根主之太陽與少陽合病必自下利黃芩湯主之陽明與少陽合病必自下利大承氣湯主之三者皆合病下利一者攻裏一者和解所以不

同者蓋六經以太陽陽明為表少陽太陰為在半表半裏少陽厥陰為在裏太陽陽明合病為在表者也雖曰下利必發散經中邪氣而後已故與葛根湯以汗之太陽與少陽合病為在半表半裏者也雖曰下利必和解表裏之邪而後已故與黃芩以散之陽明少陽合病為少陽邪氣入腑者也雖曰下利必逐去胃中之實而後已故與承氣湯以下之是三者異也下利家何以明其寒熱耶且自利下渴屬太陽以其臟寒故也下利欲飲

水者以有熱也故大便溏小便自可者此為有熱自利  
小便色白者少陰病形悉具此為有寒惡寒脈微自利  
清穀此為有寒發熱後重泄色黃赤此為有熱皆可理  
其寒熱也凡腹中痛轉氣下趣小腹者此欲自利也自  
利家身涼脈少為順身熱脈大為逆少陰病脈緊下利  
脈暴微手足反溫脈緊反去者此為欲解下利脈大者  
為未止脈微弱數者為欲自止雖發熱不死是知下利  
脈大為逆而脈小為順也自利宜若可溫理中白通諸

四逆輩皆溫臟止利之劑又有腸胃有積結與下焦客邪皆溫劑不能止之必也或攻泄之或分利之而後已經曰理中者理中焦此利在下焦宜赤石脂禹餘糧湯復不止當利其便是泄在下焦滲泄而聚利者也少陰病自利清水色純青心下必痛口乾燥與下利三部皆平按之心下梗或脈沈而滑或不欲食而譫語或瘥後至年月日復發此數者皆腸胃有積結而必須攻泄者也內經有曰大熱內結注泄不止熱宜寒療結伏須除

以寒下之結散利之大寒凝內久利泄瀉愈而復發綿  
歷歲年以熱下之寒去利謂之通因通用下利雖有表  
症又不可發汗以下利為邪氣內攻走津液而胃虛也  
故經曰下利不可攻表其汗出必脹滿者是矣大抵下  
利脫氣至急五奪之中此為甚者其或邪盛正虛邪擁  
正氣下脫多下利而死何以言之經曰下利日十餘行  
脈反實者死發熱下利至甚厥不止者死直視譫語下  
利者死下利手足厥冷無脈者灸之不溫脈不還死少



陰病自利復煩燥不得卧寐者死此數者皆邪擁正氣下脫而死者也金匱要畧曰六腑氣絕於外者手足寒五臟氣絕於內者利下不禁嗚呼疾成而後藥雖神醫不可為已氣既脫矣孰能治之

方

白朮丸 跌陽脈沉而緩沈則胃氣強緩則大便頻沈緩相搏小便難其胃為約

白朮 乾薑 茯苓

各二兩

右蜜丸如桐子大白飲服二十丸以效為度

訶梨勒飲 治傷寒後氣不和自利無度

訶梨勒皮

四枚二生二煨

草豆蔻

四顆二生二煨去皮

右麤搗篩每服二錢以漿水一盞煎至六分去滓空

心溫服

燥腸丸

出濟生拔萃方

治傷寒汗下後大小便自利腸中痛者

附子

一個炮

龍骨

半兩

乾薑

一兩

吳茱萸

半兩

米穀

半兩

訶梨

勒皮

半兩

右為細末酒糊為丸如梧桐子大每服三十九丸溫水

下利止勿服

參附湯

出如宜方

治自利上炎煩燥坐卧不安脈遲

人參

半兩

附子

製一兩

右咬咀分作三服薑十片煎食前溫服又名既濟方

四逆湯

出易簡方

治陰症傷寒自利不渴嘔噦不止或吐利

俱作小便或澁或利脈微欲絕腹痛脹滿手足厥冷或咳或悸內寒外熱下利清穀四肢沈重或汗出厥

逆者或汗出熱不去者並宜服之 及治一切虛冷厥理中湯方中亦互言之 或傷寒病在表醫誤下之致下利不止雖覺頭疼體痛發熱惡寒四肢拘急表症悉具未可攻表宜先服此藥以助陽救裏次服桂枝湯以解表症

甘草

一兩  
兩 乾薑 一兩  
半

熟附子

三分

右咬咀每服四錢水一盞半煎至六分服如服此藥利止而亡血者加人參半兩面赤者每服加葱白

一莖腹痛者加芍藥一兩嘔者加生薑一兩咽痛者加桔梗半兩利止服不出加人參一兩霍亂吐瀉之後最宜服之陰症傷寒或無汗唇青面黑身背強痛四肢厥冷昏不知人未當服四逆湯者先與附子散三分用附子官桂當歸白朮各半兩半夏乾薑各一分加葱白煎服被覆取汗

傷寒大便不通

論

夫傷寒陽脈微而汗出少為不及自始汗出多為太過

陽明脈實因發其汗汗出多亦為太過太過則陽氣絕於裏絕於裏則津液竭致熱結在內故大便牢而不通也傷寒大便不通者胃腑實也蓋因太陽病若發汗若下若利小便亡其津液胃中乾燥因轉屬陽明不更衣內實大便難此陽明症也當下之然有陽明症不可下者當問其小便日幾行若本小便日三四行今日再行故知大便不久出為小便數少津液當還胃中故知不久必大便也如此則傷寒嘔多雖有陽明症其不可

下明矣大凡胃中有燥糞法當以湯水和之湯入腹中轉失氣者此所謂結燥下之無害若不轉失氣者此但初硬後必溏不可下下之則脹滿不能食也

經云大抵溲數則大

便難也脾約丸

# 方

大黃散

出聖惠方

治傷寒未解煩燥口乾腹中有結燥不通

川大黃

二兩判微炒

枳實

一兩麩炒微黃

川芒硝

二兩

甘草

一兩炙微

赤厚朴

二兩去蘆皮塗生薑汁炙令香熟

右為散每服四錢以水一中盞煎至六分去滓不計時候溫服以得利為度

治傷寒五六日熱結在內大便不通方

出聖惠方

川大黃

一兩對碎微炒

牛蒡子

一兩微炒

枳殼

一兩麩炒微黃去穢

右為散每服四錢以水一中盞煎至六分去滓不計時候溫服以得利為度

柴胡散

出聖惠方

治傷寒四五日壯熱頭痛大便不通

柴胡

去苗

茵陳

木通

剉

黃芩

土瓜根

白鮮皮



川朴硝

已上各一兩

梔子仁

三分

川大黃

一兩劉碎微炒

右以為散每服五錢以水一大盞入生薑一半分煎

至五分去滓不計時候溫服以得利為度

石膏散

出聖惠方

治傷寒五六日壯熱頭痛大便不通小便

血色

石膏

一兩

赤芍藥

三分

川大黃

一兩劉碎微炒

川升麻

三分

甘草

一分炙

柴胡

一兩去苗

木通

一兩劉

黃芩

三分

川朴硝

一兩

微赤劉

右為散每服五錢以水一大盞煎至五分去滓不計

時候溫服以得利為度

檳榔散

出聖惠方

治傷寒大便不通小便赤澀

檳榔

一兩

榆白皮

一兩

桂心

半兩

滑石

一兩

甘草

半兩

炙微赤剉

川大黃

二兩

剉碎微炒

右為散每服五錢以水一大盞入生薑一半分煎至五分去滓不計時候溫服以得利為度

大腹皮散

出聖惠方

治傷寒六七日大腸壅結不通腹脇脹

滿不下飲食

大腹皮

半兩 剉碎

枳殼

一分 麩炒令微黃去穢

赤茯苓

三分

赤芍藥

三分 桑根白皮

剉

牽牛子

一兩 微炒

甘草

一分 炙微赤剉

郁李

仁

一兩 湯浸去皮尖微炒

百合

一兩

右為散每服五錢以水一大盞入生薑半分煎至五

分去滓不計時候溫服以得利為度

黃芩散

出聖惠方

治傷寒八九日大便不通心神悶亂

黃芩

一兩

川大黃

二兩 剉碎微炒

枳殼

半兩 麩炒微黃去穢

大腹皮

一兩

剉

郁李仁

一兩 湯浸去皮尖

羚羊角屑

一兩

右為散每服五錢以水一大盞煎至五分去滓不計

時候溫服以得利為度

桑白皮散

出聖惠方

治傷寒五六日大便不通氣喘

桑白皮

一兩判

大腹皮

半兩判

枳殼

一兩麩炒微黃去穢

川大黃

二兩判碎微炒

川芒硝

一兩

甘草

半兩炙微赤判

右為散每服五錢以水一大盞入生薑半分煎至五

分去滓不計時候溫服以得利為度

川大黃散

出聖惠方

治傷寒大便不通心腹滿悶煩熱喘促

川大黃

劉碎微炒

川芒硝

赤芍藥

桑白皮

劉

大麻

仁

枳殼

麩炒微黃去穢

防葵

陳橘皮

湯浸去白穢焙已上各一兩

右為散每服五錢以水一大盞煎至五分去滓不計

時候溫服如人行十里當利如未利再服

大黃丸

出聖惠方

治傷寒大便閉澀是內有積熱所為診其

脈兩手寸口悉洪大而數是其候也

川大黃

二兩判碎微炒

枳殼

麩炒微黃去穢

陳橘皮

湯浸去白穢焙

麻仁

檳榔

木通

判已上各一兩

右為細末煉蜜和丸如梧桐子大每服不計時候溫

湯下三十丸

牽牛丸 治傷寒後風氣壅滯胸膈聚痰大便不通

牽牛子

一半生一半炒二兩

半夏

湯洗七遍炒乾

木通

劉各一兩

桑根白

皮

劉三分

青橘皮

去白劉炒半兩

右搗羅為末煉蜜和搗三五百杵丸如梧桐子大每

服二十丸空心生薑湯下臨卧再服

治陽明病潮熱若不大便六七日恐有燥屎欲知之法少

與小承氣湯湯入腹中轉失氣者此有燥屎也乃可  
攻之若不轉失氣者此但初頭硬後必溏不可攻  
之必腹脹不能食也欲飲水者與之水則噦其後發  
熱者必大便硬而少也以小承氣湯和之

出金匱方

大黃

酒浸四兩

厚朴

去麤皮炙二兩

枳實

三枚梃炒

右細剉如麻豆大每服五錢水一盞半煎七分去滓  
溫服當更衣不爾者再服更衣者勿服服後若不  
轉失氣者慎不可攻也

厚朴湯 治傷寒五六日大便不通壯熱頭疼譫語腸中有結燥

厚朴

去麁皮姜汁炙一兩

柴胡

去苗

大黃

剉炒各一兩半

朴硝

二兩

枳殼

去穢麁

炒三分

右麁搗篩每服五錢水一盞半入生薑棗大拍碎煎至七分去滓空心溫服良久再服以通為度未通再服

厚朴半夏湯

治傷寒大便不通嘔



厚朴

去麁皮生  
姜汁炙剉

半夏

湯洗七遍  
焙各一兩

大黃

剉二兩

枳殼

去穢

麁炒

半兩

右麁搗篩每服五錢水一盞半生薑棗大拍碎煎至

六分去滓空心溫服如人行五里再服

桑白皮湯 治傷寒五六日大便不通氣喘

桑根白皮

剉一兩

大腹皮

剉半兩

枳殼

去穢  
麁炒

大黃

剉炒  
各二兩

兩

右麁搗篩每服三錢水一盞入生薑一棗大拍碎煎

至六分去滓空心溫服如人行五里再服

桑白皮湯 治傷寒五六日大便不通氣喘

桑根白皮

剉一兩

大腹皮

剉半兩

枳殼

去穢炒

大黃

剉炒各二兩

兩

右竈摠篩每服三錢水一盞入生薑一棗大拍碎煎至六分去滓下朴硝末半錢空心溫服未通再服以通為度

柴胡黃芩湯

治傷寒熱氣未解惡寒頭痛壯熱四五

日大便不通

卷一百四十三

柴胡

去

黃芩

去黑心

土瓜根

白蘚皮

木香

茵

陳蒿

各一兩一分

山梔子仁

三分

大黃

細剉耐沙一兩半

右麤搗篩每服三錢水一盞煎至六分去滓下朴硝

末半錢空心溫服如人行五里再服未通以葱豉

粥投之

檳榔散

出永類  
鈴方

治傷寒伏熱在腸胃大便不通

檳榔

剉二兩

木香

枳殼

去穰  
麩炒

陳橘皮

湯浸去白  
炒各一兩

白

朮 大戟

劉炒各半兩

杏仁

湯浸去皮尖

乾薑

炮各三分

右搗羅為細散每服一錢煎生薑湯調下不拘時

麻仁丸

一名脾約丸

治傷寒跌陽脈浮而濇浮則胃氣強濇

則小便數浮濇相搏則大便秘其脾為約

麻子仁

半升

芍藥

二兩

厚朴

二寸半去麁皮薑汁炙透

大黃

四兩

枳實

麁炒一兩

杏仁

去皮尖雙仁炒二分

右為細末煉蜜丸如梧桐子大每服十丸以飲下未

知漸加以知為度日三利後服麁粥將理

郁李仁散 治傷寒大便不通

郁李仁

去皮尖  
炒研

檳榔

劉各  
二兩

芫薺

一兩  
半

木香

半  
兩

右搗羅四味為細散入二味研者和勻每服三錢食前溫湯調下以通為度

麻仁湯 治傷寒大便五六日不通

麻子仁

黃芩

去黑  
心

甘草

炙  
劉

梔子仁

各半  
兩

大黃

劉  
炒

一兩

右麤搗篩每服五錢水一盞半煎至八分去滓下朴

硝末半錢溫服如人行五里再服

蜜膽導方 治傷寒後大便閉澀服藥不通

白蜜

三合

猪膽

一枝

膩粉

半分

右先煉蜜二十沸次下猪膽汁慢火煎成膏入膩粉  
相和為丸如棗子核大以薄綿裹內下部中未通  
再用

治傷寒後大便不通并喫轉瀉藥後腹脇轉脹不通利  
方

右以鹽半斤熬令色變用醋漿水二斗煎五七沸下鹽攪勻瀉入盆中看冷暖得所令病人盆中坐淋浴小腹須臾便通

胃約湯 治傷寒腹滿喘不大便下重其人虛者

枳殼

一兩

紫蘇

一兩

橘皮

一兩

甘草

生薑

各五錢

各五錢

右以水三升煮取一升半去滓溫服五合

濡腸丸 治少陰病無熱寒強大便秘日不通者

葳靈仙 黑牽牛

各等分

右搗篩煉蜜和丸如梧桐子大以三十粒白飲下差  
婦不大便甚宜用此方屢試屢驗

承氣丸

出肘  
後方

治十餘日不大便者

大黃

杏仁

各二  
兩

枳實

一  
兩芒硝

一  
兩

右搗蜜為丸如彈子大白湯六七合服之未通更服

神聖自利膏

出德  
生堂

治傷寒及諸症大便閉結連不通腹

肚脹滿疼痛病者體虛不欲服藥通利者此膏代藥  
行性臟腑自利真有神聖之效



黃連

二兩  
研末

芭豆

半兩帶殼與  
黃連和勻

右為細末作三次用葱白自然涎汁調成膏敷貼臍上高半寸厚不時大便自利如不通再上行即止

薑朮法

治胃中有燥糞令人醋語正熱盛亦令人醋

語若閉而醋語者宜服承氣湯通利而醋語者宜服下四物黃連除熱湯承氣湯舊用芒硝余以有毒故去用之數年安穩得下良既服湯亦應外用生薑朮讀作銳下同使必去燥糞若服湯魚允而不得下者

可依本方

右以芒硝一兩削生薑如小指長二寸研塗之內下

部中立通

傷寒小便不通

論

夫傷寒小便不通者或因發汗過多津液虛少胃中乾燥或小腸有伏熱氣道不宣皆令小便不通也方論云胃中乾則無小便慎不可利蓋言汗後亡津液也若下焦有熱而小便不利又當隨利之

活人詞括曰傷寒汗下亡津液故使胃中

乾燥極法主小便多不通醫家反利多為遲熱在下焦  
便喜飲小便又却不通時脈浮自厲五苓散沈脈諸苓  
亦頗宜小便難小便乾竭胃乾空多汗陽明並戒通引  
飲濕黃須要別證難虛熱客胞中汗下後亡津液胃中  
乾燥故小便不利醫見不利往往利之誤矣若得小便  
利者病不自愈但不可用藥行之也熱在下焦小便不  
利脈浮者五苓散脈沈者猪苓散表不解心下水發  
熱而咳小腹滿小便不利小青龍去麻黃加茯苓白朮湯嘔  
翁發汗頭心痛小便不利桂枝去桂加茯苓白朮湯嘔  
而發熱胸脇滿心下怔忡一小便不利小柴胡去黃芩  
加茯苓湯少陰小便不利四逆散加茯苓散汗自外泄  
津液中乾小便所以不通也或陰虛而陽痿之小腸伏  
熱亦令旋熱赤黃數且難以素問曰陽入陰分則膀胱  
熱而小便難其謂是乎多汗者以利小便為戒伏熱者  
以涼劑行之若夫中濕發黃不利小便非其治也傷寒  
有所不利者行之取其滲泄也大病差後從腰以下有

水氣者牡蠣澤瀉散此利水道滲泄之義也小便難而黃者陰虛為陽所湊中有熱也故小便難而黃方全未通散小便難者太陽病汗後渴不止惡風四肢拘急難以屈伸小便難也桂枝加附子湯陽明中風脈弦浮大短氣腹滿脇下及心痛鼻乾不得汗嗜卧身黃小便難潮熱而噦者小柴胡加茯苓湯又云膀胱與腎盡皆虛客熱從虛由此入虛則令人數小便熱則小使行道澀跌陽澀與浮相搏濡主腎虛使弱數浮為胃實大便秘太陽病自汗四肢拘急難以屈伸心煩微惡寒腳攣急若小便數者切不可行桂枝也宜於甘草乾薑湯芍藥甘草湯太陽病吐下後小便數大便硬燥者小承氣湯利之類傷寒自汗脈浮小便數而胃不和譫語者少語調胃湯承氣湯尿血症治論用延胡索散

## 方

赤茯苓散

出聖惠方

治傷寒小便不通臍腹脹悶心神煩躁

赤茯苓

赤芍藥

木通

剉

黃芩

川芒硝

蘗

麥

已上各一兩

右為散每服四錢水一中盞入生薑半分煎至六分

去滓不計時候溫服以得通為度

木通散

出活人書方

治傷寒後下焦熱小便不通三兩日

木通

赤茯苓

車前葉

滑石

已上各二兩

蘗麥

一兩

右為散每服四錢以水一中盞煎至六分去滓不計

時候溫服以通為度

鷄蘇散

出聖惠方

治傷寒下焦氣滯小便不通

鷄蘇

一兩聖惠方作一握

木通

劉一兩

石葦

一兩

滑石

一兩搗碎

生乾

地黃

一兩聖惠方作二兩

杏仁

湯浸去皮尖雙仁麴炒微黃一兩

葵子

半兩聖惠

方作

一兩

右為散每服五錢水一大盞煎至五分去滓不計時

候溫服以通利為度聖濟方治傷寒小腹急痛小

便不利煎至八分食前服

蘧麥散

出聖惠方

治傷寒小便不通尿血澁痛

蘧麥

車前子

各三分

木通

一兩

梔子仁

一兩

川大黃

一兩對碎微炒

黃芩

一兩

川升麻

一兩

牽牛子

三分微炒

滑石

半兩

川

朴硝

一兩

甘草

半兩炙微赤判

右為散每服五錢以水一中盞入葱白二莖燈心半

東煎至六分去滓不計時候溫服以通利為度

又方

出聖惠方

蘧麥

二兩

甘草

二兩炙微赤判

滑石

四兩

葵子

二兩

石葦

二兩去毛

生

乾地黄

一兩

右為散每服四錢水一中盞煎至六分去滓不計時

候溫服以得通為度

桑根白皮

出聖惠方

治傷寒小便赤澀不通

桑根白皮

一兩

陳橘皮

湯浸去白穢焙三分

葵子

一兩

滑石

二兩

川芒硝

二兩

黃芩

一兩

甘草

一兩炙微赤剉

右為散每服四錢水一中盞煎至六分去滓不計時

候溫服以得通利為度



滑石散

出肘後方

治傷寒小便不利

滑石

二兩聖濟方作二錢

甜葶藶

一兩隔紙炒令紫色聖濟方用半合

右為細散每服不計時候溫水調下二錢頻服以通利為度聖濟方先將葶藶用水一盞煎至半盞去滓入滑石末調食前頓服

治傷寒小腹脹滿小便不通

出聖惠方

右以石鷲子一對於火內燒令通紅入醋中淬如是七遍搗羅為末不計時候葱白湯調半錢得通為

度

茯苓木通湯 治傷寒後下焦熱小便不通

赤茯苓

去黑皮

木通

剉

車前子葉

滑石

各二兩

右麤搗篩每服五錢水一盞半煎至八分去滓空心

溫服

猪苓湯

出金匱方

治傷寒脈浮發熱渴欲飲水小便不利者

猪苓

去黑皮

赤茯苓

去黑皮

澤瀉

滑石

碎各等分

右咬咀如麻豆大每服五錢水一盞半煎至八分去

滓入阿膠末一錢溫服日三

瞿麥湯 治傷寒後小便赤澀

瞿麥

一兩用搗

甘草

炙

冬葵子

滑石

各三兩

石薺

一兩去毛

右為散每服五錢水一盞半煎至八分去滓食前溫服

車前子湯 治傷寒小便不通腹脹

右以車前子三兩麤搗篩每服五錢水一盞半煎至

八分去滓溫服

滑石湯 治傷寒小腸有伏熱狀如熱淋澀痛

消石

碎

冬葵子

榆白皮

劉各等分

右麤搗篩每服四錢水一盞半煎至八分去滓食前

溫服

葵子湯 治傷寒小便赤澀不通

冬葵子

滑石

各二兩

朴硝

赤茯苓

去黑皮

木通

劉各

一兩 茅根

劉

石薺

去毛

各一兩半

右麤搗篩每服三錢水一盞煎至七分去滓食前溫

服

血餘散 治傷寒小腸不通便如血淋

亂髮灰

二錢

大麻根

切一兩

右先將麻根以水一盞煎至半盞去滓下亂髮灰攪

勻食前溫服

桑白皮湯 治傷寒小便赤澀似淋膀胱風熱

桑根白皮

剉

冬葵子

滑石

各一兩

甘草

炙剉

朴硝

一兩

青橘皮

去白切炒一分

右麤搗篩每服五錢水一盞半葱白五寸切煎至八分去滓食前溫服

枳殼湯 治傷寒後小便不通臍腹痛氣脹攻上喘促

枳殼

去穢麤炒

滑石

大腹皮

剉各半兩

甘草

炙剉

青橘皮

去白

切焙

結石根

紫蘇莖葉

朴硝

麥門冬

去心焙

冬

葵子

各二分

前胡

去蘆頭

赤芍藥

各一兩

右麤搗篩每服三錢水一盞葱白五寸切煎至六分

去滓食前溫服

竹茹湯 治傷寒小便出血

青竹茹

木通

劉各一兩

甘草

劉一分

連翹

蘆根

劉蒲

黃

各半兩

右麤搗篩每服五錢水一盞半入燈心少許生薑一

棗大拍碎煎至八分去滓食前溫服

四逆加茯苓散 治傷寒少陰症小便不利

甘草

炙

枳實

去穢麤炒

柴胡

去苗各一兩

芍藥

一兩

赤茯苓

去黑

皮半

兩

右搗羅為細散每服二錢以米飲調下日三

滑石湯 治傷寒時行小腹脹滿小便不通

滑石

二兩

葶藶

微炒

防己

各一兩

木香

半兩

右麤搗篩每服三錢水一盞煎至三合去滓空心溫

服日晚再服

茯苓湯 治傷寒發汗後腹下氣滿小便不利

赤茯苓

去黑皮二兩

桂

去麤皮

甘草

炙各一兩

右㕮咀如麻豆每服五錢水一盞半入大棗二枚擘



煎至八分去滓溫服日三

木通湯 治傷寒小腹滿小便不利心下痛引脇者

木通

木猪苓

各二兩

瞿麥

滑石

甘草

炙芍藥

各一兩

右以水七升煮取二升去滓溫服一升

琥珀飲 治太陽病熱結下焦小便不利或便血赤黃

難出疼痛

琥珀

芒硝

甘草

各一兩

滑石

三兩

右搗篩以一匙沸湯和服小便少頃便通快

療傷寒熱盛小便不利方兼療天行

右擣生葱敷臍下橫紋中燥易之

芍藥乾薑湯 治傷寒汗下後腹中時痛小便清者

芍藥 白朮 乾薑 桂枝

四味各半兩

右剉細每服五錢生薑同煎

傷寒下部匿瘡

附論

夫傷寒後匿瘡者因腹中有熱其人食少胃中空虛三

蟲須食或食五臟或食下部隱僻有瘡故名匿瘡其候  
齒無色舌上盡白四肢沈重惚惚喜眠甚則唇裏有瘡  
其瘡在上唇裏如米粟心內懊懣痛者此蟲食五臟之  
症也若下唇裏有瘡其人喜眠者此蟲食下部之症也  
若肛爛見五臟者死 又云夫匿病與百合狐惑濕風  
濕病鬼氣皆相類宜精察節氣其新故二氣相搏喜成  
此疾

方

桃仁散

治傷寒蘊蟲蝕下部燥悶痒痛不已

桃仁

湯浸去皮尖雙  
仁麩炒微黃

槐子

微炒

熟艾

微炒各  
二兩

黃連

一兩

去鬚  
微炒

右為散每服三錢水一中盞煎至五分去滓食前溫服

雄黃散

治傷寒蘊下部生瘡蝕肛門疼痛

雄黃

一兩細研聖濟方  
作一分醋煎研

青箱子

一兩半

黃連

一兩半  
去鬚

苦參

一兩半  
半剉

桃仁

三分湯浸去尖  
雙仁麩炒微黃

右為細散每服二錢粥飲調下食前又將散子綿裹  
如杏仁大內於下部中良聖濟方再同研勻每服  
一錢七若蜜在下部以綿裹一錢內下部良久去  
之

麝香散 治傷寒蜜心中懊懷下部有瘡疼痛

麝香

一分  
研細

雄黃

一分  
細研

硃砂

一分  
細研

羚羊角屑

一分

青箱

子

二分

黃連

一分  
去鬚

貝齒

一分

川升麻

一分

桃仁

一分  
湯浸  
去皮尖雙

仁麴炒

微黃

右為細散每服二錢煎麥飲調下食前

青箱散

出聖惠方

治傷寒初有璽下部生瘡疼痛

青箱子

一兩

藿蘆

二兩

狼牙

一兩

陳橘皮

一兩

湯浸去白穢焙

篇竹

一兩

右為細散每服粥飲調下食前

阿膠散

出聖惠方

治傷寒下唇内生瘡蟲蝕下部疼痛或時

洩痢

阿膠

二分搗碎炒令黃燥

黃蘗

半兩微炒炙劉

當歸

半兩劉微炒

檳榔

半兩

木香

半兩

龍骨

半兩

槐子

一兩  
微炒

右為細散每服二錢煎黃耆湯調下食前

棟根皮丸

出聖  
惠方

治傷寒蠱蝕下部腹中疔痛

東引苦根棟白皮

一兩  
剉

狼牙

一兩

白礬灰

一  
分  
猪膽  
三枚

取汁用酒三合相

和重湯煮如膏

右為細末用猪膽膏和丸如梧桐子大每服二十九

以桃枝湯下食前

藜蘆丸

出聖  
惠方

治傷寒下部生蠱瘡時久不瘥

藜蘆

半兩去蘆頭

桂心

一兩

芭豆

一分去皮心研紙裏壓去油

附子

一兩

炮去

皮臍

右為末入巴豆研令勻煉蜜和九如梧桐子大每服

一丸粥飲送下食前

槐子仁丸

出聖惠方

治傷寒下部墮瘡痛痒不止

槐子仁

一兩微炒

苦參

一兩對

熊膽

半兩

木香

一兩

乾漆

三分搗碎

炒令烟出

檳榔

一兩

桃仁

二兩湯浸去皮尖雙仁麩炒微黃

右為末煉蜜和九如梧桐子大每服二十九荊芥湯



下食前

治傷寒瘰病唾血上唇內有瘡如粟心中痛悶此蟲在上蝕其五臟若下唇內生瘡其人喜眠此蟲蝕於下部

右以鷄子一枚小頭敲破出白和熟漆半合攪和令勻空腹吞之食頃或半日或下蟲或吐蟲盡則熱除病愈若不治即殺人

又方

出聖惠方

右用猪膽二枚取汁以醋一中盞入膽汁相和煎三五沸放溫空腹服之一合蟲則自死聖濟方用膽

一具

治傷寒下部生蠱瘡方

出聖惠方

地龍

一兩去土微炒

狼牙

二兩

右細剉和勻每服二字水一大盞煎至五分去滓食

前溫服

又方

右以蛇莓草搗絞取汁每於食前溫服一小盞

又方

出聖惠方

右以烏梅肉二兩炒令燥為細末煉蜜和丸如梧桐子大每服十丸以石榴根皮湯下食前聖濟方用三兩

又方

出聖惠方

右以梓樹皮三兩細剉水三大盞煎至一盞半去滓空心分溫三服

治傷寒下部匿瘡蟲蝕肛爛方

出聖惠方

熟艾

彈子大

雄黃末

半錢

右相和作炷燒用竹筒引烟熏下部中

桃仁湯

出永類  
鈴方

治傷寒後匿瘡

方見本門傷寒狐惑類

黃連犀角湯

出活人書方

治傷寒及諸病後瘡出下部

黃連

去須微炒半兩

烏梅

七枚去核焙

犀角

鎔一兩無升麻代

木香

四錢

右麝搗篩每服五錢水一盞半煎至一盞去滓食前

溫服

羚羊角散

治傷寒後心中煩燥唇口生瘡蟲食下部

羚羊角

鎊三分

龍膽

半兩

黃耆

劉三分

升麻

半兩

玄參

訖

胡

去苗各三分

右搗羅為散每服二錢煎槐子湯調下空心食前日

三服

麝香散

治傷寒後黑瘡

麝香

研

雄黃

研醋煮

丹砂

研各一分

羚羊角

鎊

犀角

鎊

黃

連

去鬚微炒

青箱子

升麻

貝齒

煨研各半兩

桃仁

湯浸去皮

尖雙仁炒

研三分

右搥研為散再同研勻每服二錢以食後煎麥仁粥

飲調服又以綿裹半棗大內下部中良久去之

苦參湯 治傷寒後墮瘡

苦參

一兩

槐白皮

劉二兩

熊膽

半兩研

右除熊膽外麤搥篩每服五錢水一盞半煎至八分

去滓入熊膽末半錢攪勻空心溫服下部有瘡者

更灌下部

桃皮湯 治傷寒後匿蟲食下部

桃皮

剉

槐子

榧實

各一兩

石榴根

剉半兩

右麤搗篩每服五錢水一盞半棗三枚擘破同煎至

八分去滓食前溫服

犀角湯 治傷寒後唇口生瘡心中懊懣蟲食下部時

或下痢

犀角

鎔

龍骨

各一兩

木香

三分

阿膠

炙令燥一兩

升麻

半兩

桃

仁

湯浸去皮尖雙仁炒一兩

右麤搗篩每服三錢水一盞煎至六分去滓溫服晚再服

治傷寒天行下部黑瘡

烏梅

去核搗爛半兩

獨頭蒜

一頭搗爛

屋塵

三合

右一處入苦酒一升和勻於銅器中煎候可丸丸如棗核大內下部中若病人齒斷無色舌上白者或喜眠憤憤不知痛痒處或下痢宜急療下部不曉此者但攻其上不以為意下部生瘡蝨食其肛門



爛見五臟死也療之方

出肘後方

右用燒馬蹄作灰細末猪膏和塗綿以導下部日數

度瘡

桃仁苦酒湯

出肘後方

治症同前

桃仁

五十枚去皮尖及雙仁

苦酒

二升鹽一合

右煮取六合去滓盡服之

龍骨湯

出肘後方

治傷寒已七八日至十餘日煩渴熱盛而

三焦有瘡璽者多下或張口吐舌呵呬日爛口鼻生

瘡吟語不識人宜服此方除熱毒止痢神方

右以龍骨半斤碎以水一斗煮取四升沈之井底令  
冷服五合餘漸漸進之恣意取飲尤宜老少無味  
殆如飲水

懊懷散

出聖惠方

治傷寒心中懊懷下痢穀道中爛傷當服

懊懷散以鹽藥內穀道中

瞿蘆

十分聖濟方用二兩

乾漆

二分聖濟方搗碎炒令烟出半兩

篇蓄

二分聖濟方

方乾者

用半兩

右各異搗篩粉粥飲服一錢先食日再服聖濟方治  
傷寒心中悶下痢下部生蠱瘡爛傷每服二錢粥  
飲調下食前服

療傷寒魚蠱瘡其候口唇皆生瘡唾血唇內有瘡如粟  
者則心中懊懣痛如此則此蟲在上乃食五臟若下  
唇内生瘡其人喜眠者此蟲在下食下部方

出肘  
後方

右取鷄子一枚扣頭出白與漆一合熟和令調如漆  
還內殼中仰吞之食頃或半日或下蟲或吐蟲劇

者再服乃盡熱除病愈凡得熱病腹內熟食少三  
蟲行作求食食人五臟及下部人不能知可服此  
藥不爾墮蟲殺人

有病墮下不止者

出肘  
後方

烏頭

二兩

女萎

雲實

各一兩

桂

二分

右蜜丸如梧桐子大水服五丸一日三服

一方

出肘  
後方

治下部卒痛如鳥啄

赤小豆

大豆

各一升

右合搗兩囊貯蒸之令熟更互坐即愈

療墮蟲食下部方

右以泥作甕以竹筒如指所橫穿甕肚筒一頭內下  
孔中內如鷄子艾燒之就甕口吹之常令艾燒強  
人可並艾甚良

一方 治病人齒無色舌上白或喜睡不知痛痒處或  
下利者急治下部不曉此者但攻其上不以為意下  
部生蟲食其肉爛見五臟便死

右用艾葉於管中熏下部令烟入更入少許

普濟方卷一百四十三